

## إِفْرِ إِزْوَارْنْ

<sup>١</sup> بُولُسْ لَيْ يِكَانْ إِسْمَكْ إِيسُوعْ لِمَسِيحْ، إِغْرِ أَسْ رَبِّي أَيْكَ أَرْقَاصْ نَسْ، إِسْتِيتْ أَيْسِلْكَمْ تَبِرَاتْ نْ لِنجِيلْ نَسْ.<sup>٢</sup> لِنجِيلْ لَيْ سْ إِقاوْلِ إِلَائِيَا نَسْ غَمْنْ غَادِ إِزْرِينْ غْ وَرَاتِنْ تِيوقَدَسِينْ،<sup>٣</sup> أَرْ إِسَوَالْ فِيُوسْ سِديتِخْ يَسُوعْ لِمَسِيحْ لِيدِ يُوشِكَانْ غْ وَمُودْ نْ دَلَوْدْ غْ لِجَهْتْ نْ أَيْلِي يِكَانْ وِينْ أَفَكَانْ.<sup>٤</sup> غْ لِجَهْتْ نْ رُوحْ لَقُسْ إِبَائِنْدِ إِسْ إِكَا يِوْسْ نْ رَبِّي سْ لِجَهْدِ إِكُونْ، لِيغْدِ إِنْكَرْ غْ كَرْ وِلي مُوتِينْ.<sup>٥</sup> نَتَانْ أَفَلَاخْ إِنْعَمْ إِفَكَاخْ تَبِرَاتْ نَسْ فْ أَسْتَ نَسْلَكْمِ إِلْكُنُوسْ كُلُوتْنْ أَذْ أَمَنْ سْ رَبِّي ضَعُونْ أَسْ، أَرْ تَمْجَادِنْ إِسْمِ نَسْ،<sup>٦</sup> تَكْمِ كِيسْنْ أَلَا كَنِي لَيْ مِ إِغْرَا رَبِّي أَتَكْمِ وِينْ يَسُوعْ لِمَسِيحْ.<sup>٧</sup> أَرَاوِنِينْ تَارَاخْ أَوْلِي كُلو لَانِينْ غْ رُومَا، كَنْ وِلي يِرَا رَبِّي، إِغْرِ أَسْنْ أَذْ كَنْ وِنسْ، أَدَأْوَنْ إِفَكْ رَبِّي لَيْ يِكَانْ بَابَاتِخْ دِ سِيدِيَتِخْ يَسُوعْ لِمَسِيحْ لِبَرَكَا نَسْ دَلْهَا نَسْ.

<sup>٨</sup> غْ إِسْ إِزْوَارْ، أَرْ تَشْكَارْخِ رَبِّي سْ يَسُوعْ لِمَسِيحْ غْ لِجَهْتْ نُونْ كُلُوكْنْ، أَشْكُو لِيمَانْ نُونْ أَرْتْ أَدَرْنْ مَدْنْ غْ دُونِيتْ كُلُوتْ.<sup>٩</sup> رَبِّي لَيْ تَعْبَادْخِ سْ رُوحِ إِنُو أَرْ تَبْشَارْخِ سْ لِنجِيلْ نَسْ إِكَا فَلِي يِنِيَگِي إِسْ أَكَنْدْ بَدَا تَكْتَابِخْ،<sup>١٠</sup> أَرِيدَا تَضَلَابِخْ غْ طَرِيلَاً نُو أَذْ أَفْخَ مَمْنَكْ سَانْ دَرُونْ تَشْكَاخْ كَرَا نْ ضُورْ إِغْ إِرَا رَبِّي.<sup>١١</sup> أَشْكُو إِويَخْ رَجَا أَكِنْ زَرْخْ، أَدَأْوَنْ فَكْخْ كَرَا نْ تِكِيتْ نْ رُوحْ مَاكِنْ إِسْدُوَاسْنْ،<sup>١٢</sup> فْ أَنْزَعْمِ إِنْكَرَاتِخْ سْ لِيمَانْ لَيْ كُلو گِينْخِ إِلَانْ، لِيمَانْ إِنُو دَوِنُونْ.

<sup>١٣</sup> دَأُورَا فَلَاؤْنْ سَنْتِلَخْ أَيِتِيَما إِسْ سَكْرَخْ مَنَاوْتْ تَوَالْ فَانْ دَرُونْ أَشْكَخْ، فْ أَدَرِي تِلِي لَعْلَتْ غْ كَرْتُونْ غَمْكَلِي دَرِي تَلَا غْ كَرْ لِكُنُوسْ يَصِنِينْ، وَلَائِنِي كَرَا أَرِي يَتَحْصَارْ سُولْ سْ غَلَادْ.<sup>١٤</sup> أَشْكُو إِلَا فَلِي أَذْ سَلْكَمْخِ تَبِرَاتْ نْ لِنجِيلْ إِيَيِتْ لِيُونَانْ أَلَا وَلِيَتْ أُورْ كَنِينْ، سَلْكَمْخِتْ إِيَعَمِينْ أَلَا وِلي غَرَنِينْ.<sup>١٥</sup> غَانْ أَفْ إِويَخْ رَجَا أَذْ تَبْشَارْخِ سْ لِنجِيلْ غْ كَرْتُونْ أَلَا كَنِي لَيْ لَانِينْ غْ رُومَا،<sup>١٦</sup> نَكِي هَانْ أُورْ حَسْمَخْ سْ لِنجِيلْ نْ لِمَسِيحْ، أَشْكُو أَيْكَا دَلْجَهْدِنْ رَبِّي لَيْ يَجْنَجَامِنْ وَنَا يُومَنْ، إِزْوَارْ كِيسْ أُودَايْ إِولَتِينْ لِيُونَانْ.<sup>١٧</sup> لِنجِيلْ أَغْدِ إِسْبَائِنْ رَبِّي مَامِنْكِ أَسَاخْ إِنْرِكَا سْ لِيمَانْ نَخْ، غَمْنِ إِسْ إِزْوُورْ أَرْ إِسْ إِكَرَا، غَمْكَلِي يِنِيُورَانْ: «وِلي إِزْكَا رَبِّي سْ لِيمَانْ نَسْ أَرْ إِنْرِ».

<sup>١٨</sup> أَشْكُو لَعَضَبْ نْ رَبِّي إِسْبَائِنِتِيدْ غْ إِكْنَوَانْ فْ أَفُوغْ أُوْغَرَاسْ نْ مَدْنْ دَنُوبْ نَسْنْ، نَتَتِي لَيْ دَالِنِينْ لَحَقْ سْ دَنُوبْ نَسْنْ.<sup>١٩</sup> أَشْكُو أَيْلِي سْ رَضَارْنْ مَدْنْ أَتْ إِسَانْ فْ رَبِّي، إِسْبَائِنْ أَسْتِنِيدْ غْ أُولَاؤْنْ نَسْنْ،<sup>٢٠</sup>

أَشْكُو رَبِّي دَلْجَهْدُ نُسْ إِداوْمَنْ لَيْ يُكَانْ غُصَّفَاتْ نُسْ نُتْلَنِينْ، غُمْنْ لِيغْ إِخْلَقْ رَبِّي دُونِيتْ أَتَتْ تِرْرَانْ مَدَنْ أَرْتَتْ تَاكْرَنْ سْأَلِي يِسْكَرْ، غَانْ أَفْ سُولْ أُورْ إِلِي كَرَا نْ لَاعْضَرْ دَارْ مَدَنْ.<sup>21</sup> أَشْكُو مَقَارْ سْنْ رَبِّي أُورَاتْ تَمْجَادْنْ أَلَا أَرْتْ تَشْكَارْنْ زُونْدُ رَبِّي، وَلَائِنِي إِسْوِنِكِيمْنْ نُسْ أُورْ كِيْنْ يَاتْ، إِعْمَرْ أُولْ نُسْنْ إِجْهَنْ سْ تِلَاسْ.<sup>22</sup> تِزِي لِيغْ أَتَتِينْ لَانْ لَعْقَلْ، أَدْ كَانْ دَإِدْ وَارْ لَعْقَلْ،<sup>23</sup> سِبَادَلْنْ لَمَجْدُنْ رَبِّي لَيْ يِداوْمَنْ سْ لَاصْنَامْ لَيْ سِكْرَنْ فَصَفَاتْ نْ بَنَادْمَ لَيْ يِتْمَاتِنْ، دَوِيلَلَنْ، دَلْبَهَايْمْ، دَإِمْرَادَنْ.<sup>24</sup> غَانْ أَفْتَنْ إِفْلَ رَبِّي إِيلِي يِلَسْنْ صَفُورْنْ شَهَوَاتْ نْ وَلَاؤْنْ نُسْنْ، أَرْتَكَسْنْ لُوقَرْنْ دَاتْ نُسْنْ غُكْرَاتْسْنْ.<sup>25</sup> سِبَادَلْنْ لَحْقَنْ رَبِّي سْ إِكْرَكَاسْ، إِكْصَاصْنْ لَمُخْلُوقْ أَرْتْ تَعْبَادْنْ، تُونْ وَلِيَتْنْ إِخْلَقْنْ لَيْ سْ إِخْصَأْتْ بَدَأْ نَتْحَمَادْ. آمِينْ.<sup>26</sup> غَانْ أَفْتَنْ إِفْلَ رَبِّي إِكَارْ شَهَوَاتْ، أَشْكُو تَوْتَمِينْ نُسْنْ سِبَادَلْنْ لَتِيهَالْ لَيْ يُكَانْ لَأَصْلُنْ سْ أَلِيلِيتْ أُورْ إِكِينْ،<sup>27</sup> غُمْكَانْ دَإِوتْمَانْ فَلَنْ لَتِيهَالْ سْ تُووْتَمِينْ، تُرْغْ كِيسْنْ تَكَاتْ نْ شَهَوَا سْ إِنْكَرَاتْسْنْ، سَلَانْ إِوتْمَانْ كَارْ لَمْسَائِلْ دَإِوتْمَانْ، أَوِينْدِ إِيْخَافَوْنْ نُسْنْ لَعْقَابْ لَيْدِ رُورَانْ فَسَبَّتْ نْ كَارْ لَيْدِ سَلَانْ.<sup>28</sup> لِيغْ أَكِينْ أَدْ إِسَانْ رَبِّي، إِفْلَنْ إِكَارْ إِسْوِنِكِيمْنْ أَرْ سِكَارْنْ أَلِيلِي سْ إِخْصَأْتْ أُورْ سِكَارْنْ.<sup>29</sup> عَمْرُنْ سْ كَرِيْكَاتْ آنَاوْ نْ دَتْوَبْ دَزَّنَا دَكَارْ دَطْمَعْ دَلْفَسَادْ، عَمْرُنْ بَهْرَا سْ لَحْسَدَا دَتْنِيْغِي دَطَرِيْتْ دَلْغَضْرْ دَأُوفْ أُوّغَرَاسْ،<sup>30</sup> كَنْ إِنْوَاشْنْ أَرْدَ سِكَارْنْ أَلِيلِي أُورْ إِلِينْ فَوِيَاضْ، حَشَانْ رَبِّي، كَنْ إِدْ بُوْتَرَكَامْ دَلْكِيْرَ أَرْ تَالَغْنْ إِخْلَافَوْنْ نُسْنْ، إِحْرَاشْنْ غُكَارْ، أُورْ أَسْقَلِيدِنْ سْ لَوَلَادَيْنْ،<sup>31</sup> أُورْ دَارْسْنْ كَرَا نْ لَفَهْمْ أَلَا لَعَهْدْ أَلَا لَحْنَانْ أَلَا رَضَا أَلَا كَرَا نْ رَحْمَتْ.<sup>32</sup> مَادْ يَادْ سْنْ إِسْ أَيْتَحَامْ رَبِّي سْ لَمُوتْ فَوِيَ سِكَرِيْنِينْ لَمْسَائِلْ أَدْ، أُورْدْ إِسْ أَتَتْ كَا سِكَارْنْ، وَلَائِنِي أَرْ تَقْرَاحْنْ حَتَّا سْ وَلِيَتْتْ سِكَرِيْنِينْ.

2

## إِفْرُ وِيسْ سِينْ

<sup>1</sup> غَانْ أَفْ سُولْ دَارِكْ أُورْ إِلِي كَرَا نْ لَاعْضَرْ أَيْفَكَانْ لَيْ يِكِيْنْ لَحُوكْمْ فْ وِيَاضْ، مَكَنْ تَرِيْتْ تَكْتَ. أَشْكُو إِغْ أَتْحَكَامْتْ فْ وِيَاضْ إِخْفْ نُكْ نِيتْ أَفْ تَحْكَامْتْ. أَشْكُو كِيْ لَيْ يِتْحَكَامْنْ فْ وِيَاضْ أَرْ نِيتْ تَسْكَارْتْ أَلِيلِي سِكَارْنْ!<sup>2</sup> نَكِيْ نِسْنْ لَحُوكْمْ نْ رَبِّي فْ وِلَيْ سِكَرِيْنِينْ زُونْدْ مَيَادْ إِزْدْ لَحْقَ أَيْكَا.<sup>3</sup> إِسْ تَغَالْتْ أَيْفَكَانْ لَيْ يِتْحَكَامْنْ فْ وِلَيْ سِكَرِيْنِينْ زُونْدْ مَيَادْ، كِيْ أَرْتَتْتْ نِيتْ تَسْكَارْتْ، إِسْ رَا تَنْجَمْتْ إِلَحُوكْمْ نْ رَبِّي؟<sup>4</sup> نَغْدْ تُوكْتَنْ لَخَاطِرْ لَيْ يَاكْ إِفْكَا دَشُورْ لَيْ يَاكْ بَويِي دَصِبَرْ نْسْ إِغْزِيْفَنْ أُورْتْ تَكِيْتْ دَيَاتْ، تَتُوتْ إِزْدْ أَفَاكْ إِلَا لَخَاطِرْ دَأَكِيدْ إِرَارْ سْ أَغَرَاسْ?<sup>5</sup> وَلَائِنِي فْ سَبَّتْ نْ تَغَارْتْ نْ إِخْفْ نُكْ دَأُولْ نُكْ لَيْ يُوكِيْنْ أَغَرَاسْ، إِسْ أَكَا تَسْمُونْتْ إِيْخَفْ نُكْ لَغَضَبْ إِوَاسْ نْ لَغَضَبْ لِيغْ رَادْ إِيَابِيْنْ لَحُوكْمْ نْ رَبِّي لَيْ يِكَانْ لَحْقَ،<sup>6</sup> نَتَّانْ لَيْ رَايْفُروْ إِكْرِيْكَاتْ يَانْ فْ لَفَعَالْ نُسْ.<sup>7</sup> وِلَيْ صِبَرِيْنِينْ أَرْ سِكَارْنْ مَايَصْلَحْنْ أَرْ سِكِيلِنْ لَمَجْدُنْ دَشَانْ دَتُورْتْ إِداوْمَنْ، رَادَاسْنْ إِفْكَ تُودَرْتْ إِدوْمَنْ.<sup>8</sup> وِلَيْ سِكِيلِنِينْ لَغَرْضَنْ نْ إِخْفْ نُسْنْ، أُورَا

سُقْلِيْدِنْ سْ لَحَقَ وَلَائِيْيِي أَرْ سُقْلِيْدِنْ سْ كَارْ، رَا فَلَاسْنْ إِسْخُطْ إِغْضَبْ فَلَاسْنْ، <sup>9</sup> تَسَاسْتْ دْ تَكْمُوتْ أَغْ رَايِّلِيْ كُولْ مَايِسْكَارْنْ كَارْ: إِزْوَارْ كِيسْ أُودَايْ إِصْفُورْتِينْ الْيُونَانْ. <sup>10</sup> وَلَائِيْيِي لَمَجْدْ دْ شَانْ دْ لَهْنَا أَرَايِّلِيْ إِكُولْ مَايِسْكَارْنْ مَايِصْلُحْنْ: إِزْوَارْ كِيسْ أُودَايْ إِصْفُورْتِينْ الْيُونَانْ. <sup>11</sup> أَشْكُوْ رِتِيْ أُورَا إِسْكَارْ أَدْمَاؤْنْ.

<sup>12</sup> وَلَيْ دَارْ أُورْ إِلِيْ شَرْعْ نْ مُوسَى فَعْنْ أَغْرَاسْ هَانْ رَا فَلَاسْنْ إِحْكَمْ رِبِّيْ بِلَانْ شَرْعْ. وَلَيْ دَارْ إِلَّا شَرْعْ إِغْ فَعْنْ أَغْرَاسْ رَا فَلَاسْنْ إِحْكَمْ سْ شَرْعْ. <sup>13</sup> أَشْكُوْ أُورْدْ وَلَيْ سُقْلِيْدِنْ إِشْرَعْ أَيْنِزْكَارْ بِرِّيْ، وَلَائِيْيِي أَيْنِزْكَارْ دْ وَلَيْ سَكَرْنِينْ سْ شَرْعْ نْسْ. <sup>14</sup> أَشْكُوْ لَكْنُوسْ لِي دَارْ أُورْ إِلِيْ شَرْعْ نْ مُوسَى، إِغْ سَكْرُنْ سْ شَرْعْ لِي يَلَانْ غْ وَلَأَوْنْ نْسْ، مَقَارْ دَارْسْنْ أُورْ إِلِيْ شَرْعْ نْ مُوسَى گَانْ نِيْتْ شَرْعْ إِيْخَافُونْ نْسْ. <sup>15</sup> أَرْدْ سَبِيَّانْ سْ لَاقْعَالْ نْسْ إِسْ بَادْ إِنْتُورَا أَيْلِيْ فْ إِتُوْصُو شَرْعْ غْ وَلَأَوْنْ نْسْ، أَرْ فَلَاسْ أَكَانْ أُولَأَوْنْ نْسْ دْ إِسْوُنِكِيمْ نْسْ أَلَا نَتْتِي تُوكَأْ، هَا إِغْ أَتْنْ تَلُومَنْ هَا إِغْ أَسْنْ نَانْ تَسْكَرْمْ مَايِفُوكِينْ، <sup>16</sup> مَيَادْ رَادْ كُلُو سُولْ إِبَائِنْ أَسْ لَيْغْ رَا يَحْكَمْ رِبِّيْ سْ يَسُوعْ لَمَسِيْحْ فْ أَيْلِيْ حَضَانْ أُولَأَوْنْ، غَمَكْلِيْ يَلَانْ غْ لِنْجِيلْ لِي سْ أَنْتَشَارْخْ.

<sup>17</sup> أَمَا كِيْيِي لِي يَتْتِينْ تَكِيْتْ أُودَايْ، تَكْلَتْ فْ شَرْعْ، تَرْعَمْتْ سْ رِبِّيْ، <sup>18</sup> تَسَانْتْ شُورْ نْسْ، أَرْ تَرْلَائِيتْ مَايِفُوكِينْ غْ مَايِخْسْنْ سْ أَيْلِيْ تَلْمَتْ غْ شَرْعْ. <sup>19</sup> تَحْقَاقْتْ إِسْ تَكِيْتْ وَلَيْ يَزْكُورْنْ إِبِيُوكَاسْنْ، تَكْتْ تَقاوْتْ إِولِيْ لَانِينْ غْ تَلَاسْ، <sup>20</sup> أَرْ تَكَّاتْ لَعْقَلْ إِولِيْتْ أُورْ لِينِينْ، أَرْ تَسْلَمَاتْ إِحْشَمِينْ، تَلِي دَارِكْ تُوسَنَا إِكْمَلْنْ دْ لَحَقْ إِكْمَلْنْ غْ شَرْعْ. <sup>21</sup> كِيْ لِي يَسْلَمَدْنْ وَيَاضْ، إِسْ أُورَا تَسْلَمَتْ إِحْفَنْكْ؟ إِغْ أَتُوْصُوتْ مَدْنْ أَدْ أُورْ تَاكْرُنْ، إِسْ زَارَادْ تَاكْرُتْ؟ <sup>22</sup> كِيْ لِي يَتْتِينْ إِمْدَنْ: أَدْ أُورْ تَزْنُونْ، إِسْ زَارَادْ تَزْنُوتْ؟ كِيْ لِي يَتْتَهُونْ فْ لَاصِنَامْ، إِسْ زَارَادْ تَلَكْرُتْ تَكْمَمَا نْسْنْ؟ <sup>23</sup> كِيْ لِي يَزْعَمْنْ سْ شَرْعْ، إِسْ زَارَادْ تَكْسَتْ لُوقَرْ فْ رِبِّيْ سْ شَرْعْ لِي تَرْزَاتْ؟ <sup>24</sup> أَشْكُوْ غَمَكْلِيْ يَتْيُورَانْ: كُنِيْيِي أَيْكَانْ سَبَّا أَيْلِيْغْ أَسَوَالِنْ لَكْنُوسْ فْ إِسْمْ نْ رِبِّيْ سْ لَجَهَالْتْ. <sup>25</sup> لَخْتَانْتْ نَكْ تَنَگَا كَرَا إِغْ أَتْسَكَارْتْ سْ شَرْعْ. وَلَائِيْيِي إِغْ أَتْرَزَاتْ شَرْعْ، هَانْ زُونْدْ إِغْ أُورْ تَخْتَتْ! <sup>26</sup> إِغْ أَيْسَكَارْ وَلَيْ أُورْ إِختَنْ سْ لُوْصِيَاتْ نْ شَرْعْ، مَاخْ أُورَأَيْكْ غْ دَارْ رِبِّيْ زُونْدْ وَلَيْ يَخْتَنْ؟ <sup>27</sup> هَيْ وَلَيْ يَسْكَارْنْ سْ شَرْعْ مَقَارْ أُورْ إِختَنْ، رَا فَلَاكْ إِحْكَمْ كِيْ أُودَايْ لِي دَارْ أَرَانْ شَرْعْ تَخْتَتْ مَشْ أَرْ تَرْزَاتْ شَرْعْ. <sup>28</sup> أَشْكُوْ أُورْدْ إِغْ كَا إِختَنْ كَرَا نْ يَانْ هَانْ إِكَا أُودَايْ إِحْقَاقْنْ، نُغْدَ يَانْ كَا إِختَنْ غْ دَاتْ هَانْ إِختَنْ، <sup>29</sup> وَلَائِيْيِي أُودَايْ إِحْقَاقْنْ أَكْنِسْ أَغْ إِتَنْكَا أُودَايْ، دْ لَخْتَانْتْ نْ وُولْ سْ رُوحْ أَيْكَانْ لَخْتَانْتْ أُورْدْ تِينْ تِرَانْ شَرْعْ، غَوَادْ أَيْكَانْ وَلَيْ يَتَالَغْ رِبِّيْ أُورْدْ مَدْنْ.

## إِفْرُ وِيسْ كَرَاصْ

<sup>١</sup> مَانْ زَا لَفْضُلْ إِلَانْ دَارْ أُودَايْ، نُغْدَ مَانْ لَفَائِتْ إِلَانْ غْ لَخْتَانْ؟ <sup>٢</sup> لَفْضُلْ نْسْ إِكُوتْ غْ كُرِيَّكَاتْ تَسْكَا! تَادْ كُلو إِزْوُورْنْ إِكَاتْ لَيْغْ كِيْسْ يُومَنْ رَبِّي إِفْكْ أَسْنْ أَوَالْ نْسْ. <sup>٣</sup> مَا رَا زَا نِي إِغْ أُورْ إِلَي لَامَانْ غْ كَرَا كِيْتِسْ؟ إِزْدْ إِغْ كَا كِيْسْ أُورْ إِلَي لَامَانْ هَانْ أُورْ إِلَي غْ رَبِّي؟ <sup>٤</sup> حَاشَا! رَبِّي يُغْرَانْ بَدَا مَقَارْ أَكْلُو سُكْرِيْكِيْسْ مَدَنْ. غَمْكَلِي يِتِّي وَرَا نْ رَبِّي: «فَادْ إِبَائِنْ إِسْ تَغْرَانْ غْ وَوَالْ نَكْ، إِبَائِنْ إِسْ دَارِكْ لَحَقْ فْ وَلَيْ دِيدِكْ إِمْصَرَاصْنْ». <sup>٥</sup> وَلَائِنِي إِغَادْ سِبَيَّانْ دَنُوبْ نَخْ إِسْ إِصْلَحْ رَبِّي، مَرَازَا نِيْنِي؟ إِسْ إِتْعَدَا رَبِّي إِغْدْ فَلَاخْ إِزْوُكْزْ لَغْضَبْ نْسْ؟ غِيدْ أَرْ سَوَالْخْ سْ لَعَقْلُنْ أَفْكَانْ. <sup>٦</sup> حَاشَا! إِغْ إِكَا لَحَالْ غَمْكَانْ مَمْنُكْ زَا أَسْ رَأِيْحَمْ فْ أَيْتْ دُونِيتْ؟ <sup>٧</sup> إِغَادْ سِبَيَّانْ تَكْرُكَاسْ إِنُو إِسْ إِغْرَانْ رَبِّي أَرْ تَرِيَادِنْتْ إِلْمَجَدْ نْسْ، مَاخْ زَا أَسْوُلْ فَلِي يِكِيْتْ لَحُوكْمْ زُونْدْ أَمْعَصِي؟ <sup>٨</sup> نُغْدَ مَاخْ أَدْ أُورْ نِتِّي تَكْرُكَاسْ لِي فَلَاخْ سُكْرَنْ كَرَا نْ مَدَنْ، أَرِتِّيْنِ إِسْ أَيْوْنْ نِتِّي: «أَرَأِتْ أَسْكَارْ كَارْ أَدْ يَاشْكْ لَخِيرْ؟» غُويْدْ رَا فَلَاسْنْ إِحْكَمْ رَبِّي سْ لَحَقْ.

<sup>٩</sup> مِيتْ زَا؟ إِزْدْ نِكْنِي نْ أُودَائِنْ إِسْ نُوفْ وِيَاضْ؟ أَهُوْيِي أُورْتْ إِكِي لَحَالْ! أَشْكُو أُودَائِنْ أَلَا لَكْنُوسْ غَمْكَلِي سْ يَادْ نَنَا لَانْ كُلو غْ دُو لَاحَكَامْ نْ لَمْعَصِيْتْ، <sup>١٠</sup> غَمْكَلِي يِتِّيُورَانْ: «أُورْ كِيْسْ إِلَي يَانْ إِزْكَانْ مَقَارْدْ كَا يَانْ. <sup>١١</sup> أُورْ كِيْسْ يَانْ إِتْفَهَامْ. أَلَا يَانْ إِسْكِيلِنْ رَبِّي. <sup>١٢</sup> فَغْنْ كُلو أَغْرَاسْ نَقْعَنْ لَفَائِتْ. أُورْ كِيْسْ يَانْ إِسْكَارْنْ مَايِصْلَحْ مَقَارْدْ كَا يَانْ. <sup>١٣</sup> تَقَائِيْتْ نَسْ زُونْدْ لَقْبَرْ إِرْزَمْنْ. أَسِيُونْ نَسْنْ أَسْ تَعْضَارْنْ. سَمْ نْ إِلْكَمَاضْنْ أَدْ إِنْقَعْنْ غْ إِمَاؤْنْ نَسْنْ. <sup>١٤</sup> إِمَاؤْنْ نَسْنْ تَكُورْنْ سْ تَرْكَامْ دْ لَمْحَشِيْتْ. <sup>١٥</sup> إِصَارَنْ نَسْنْ أَرْ كَا تَرَالْنْ أَدْ نَقَانْ. <sup>١٦</sup> لَخَالَا دْ تَرْفُونْتْ أَيْلَانْ غْ إِغْرَاسْنْ نَسْنْ. <sup>١٧</sup> أَغْرَاسْ نْ لَهْنَا، أُورْتْ سَنْ. <sup>١٨</sup> تِكْصَاصْ نْ رَبِّي أُورْ كِيْسْ لِينْتْ». <sup>١٩</sup> نِكْنِي نَسْنْ إِزْدْ كُولْ مَاسْ إِتِّي شَرْعْ أَرْتْ إِتِّي إِولِي دَارْ إِلَا شَرْعْ، أَيْقَنْ إِمِي إِكْرِيَّكَاتْ يَانْ، إِتُوتْ لَحُوكْمْ نْ رَبِّي فْ أَيْتْ دُونِيتْ كُلُوتْنْ. <sup>٢٠</sup> أَشْكُو أُورْدْ إِغْ إِكَا إِسْكَارْ يَانْ سْ شَرْعْ سْتْ نِيتْ إِقْبَلْ رَبِّي غْ دَارْسْ. أَشْكُو شَرْعْ إِسْ أَيْخْ كَا يِمَالْ لَمْعَصِيْتْ نَخْ.

<sup>٢١</sup> وَلَائِنِي غَلَادْ إِسْبَائِنْدْ رَبِّي مَمْنُكْ أَسْ إِقْبَالْ مَدَنْ غْ دَارْسْ مِشْ مِيَانْ أُورْ إِتِّي فْ شَرْعْ، مِيَادْ إِفْكَا نِيتْ فَلَاسْ شَرْعْ دْ وَرَاتِنْ نْ لَانْبِيَا تُوكَأْ. <sup>٢٢</sup> رَبِّي أَرْ إِقْبَالْ مَدَنْ غْ دَارْسْ سْ لِيمَانْ نَسْنْ سْ يَسُوعْ لَمْسِيْحْ، كُولْ مَاسِرْسْ يُومَنْ إِقْبَلْتْ. أَشْكُو يَانْ كُلو دَارْسْ كَانْ مَدَنْ. <sup>٢٣</sup> أَشْكُو فَغْنْ كُلو مَدَنْ أَغْرَاسْ أُورْ زَضَارْنْ أَدْ لَكْمَنْ لَمَجَدْ نْ رَبِّي، <sup>٢٤</sup> وَلَائِنِي رَبِّي إِقْبَلْنْ سْ نَعْمَتْ نَسْ سْ يَسُوعْ لَمَسِيْحْ بَلَا فَكَانْ يَاتْ، نَتَانْ أَنْتَدْ إِفْدَانْ، <sup>٢٥</sup> إِسْبَلْتْ رَبِّي إِكْ لَكْفَارْتْ إِكُولْ مَا يُومَنْ سْ إِدَامَنْ نْسْ، فَادْ إِسْبَائِنْ لَحُوكْمْ نَسْ إِسْ إِكَا لَحَقْ، إِصَامْحْ إِولِي سُكْرِنِينْ تَوْبْ غَادْ إِزْرِينْ فْ سَبَّتْ نْ صَبَّرْ نْسْ. <sup>٢٦</sup> إِسْبَائِنْ لَحُوكْمْ نَسْ إِسْ إِكَا لَحَقْ غْ أَزْمَزْ أَدْ، إِحْكَمْ سْ لَحَقْ إِزْكُو وَنَا يُومَنْ سْ يَسُوعْ. <sup>٢٧</sup> مَاسْ زَا رَا يِتِّعَنَا يَانْ؟ أُورْ سُولْ إِلَي. مَمْنُكْ أَسْ

رَاتِ إِقْبَلْ رَبِّي عَدَارْسُ؟ إِزْدُ إِغْ أَيْسَكَارْ سُشَرْعُ؟ أَهُوِيْ. أَسْ رَاتِ إِقْبَلْ عَدَارْسُ دَلِيمَانْ. هَيْ أَرْنْ<sup>28</sup> نَتَّفَا إِزْدُ لِيمَانْ أَسْ إِنْقَبَالْ رَبِّيْ أَفْكَانْ عَدَارْسُ أُورْدُ إِغْ أَكَا إِسْكَارْ سُلُوصِيَّاتُ نُشَرْعُ. نَعْدَ رَبِّيْ وَيْنْ أُودَائِنْ كَا أَيْكَ؟ إِزْدُ أُورْ إِكَيْ وَيْنْ لُكْنُوسُ أَلَا نَتَّيْ؟ عَادُ، إِكَا حَتَّا وَيْنْ لُكْنُوسُ. أَشْكُو يَانْ أَيْكَا رَبِّيْ، أَرْ إِنْقَبَالْ أُودَايْ عَدَارْسُ سُلِيمَانْ إِقْبَلْ وَلِيتْ أُورْ إِكِينْ سُلِيمَانْ. إِسْ زَا رَا نَسَانْفُ شَرْعُ سُلِيمَانْ أَدْ؟ حَاشَا! لِيمَانْ أَسْ نَسْبَدَادْ شَرْعُ.

4

## إِفْرُ وِيسَ كُوْزْ

<sup>1</sup> غَلَادْ مَاسْ رَا نَنِي عَنْ جَدْ نَخْ إِبْرَاهِيمْ عَلْجِهْتُ نَدَاتْ، مَانْ يُوفَا؟<sup>2</sup> إِغْدَ أَفْتِ إِقْبَلْ رَبِّي عَدَارْسُ دَسْ إِسْ أَيْسَكَارْ سُشَرْعُ، هَيْ إِلَا نَيْتْ زَا دَارْسُ مَاسْ إِتَّعْنَا، وَلَائِنِي أُورْدُ عَلْلَكَدَامْ نُرَبِّيْ.<sup>3</sup> أَشْكُو مَائِتَّنِي وَرَا نُرَبِّيْ؟ أَرْ إِنْتِي: «يُومَنْ إِبْرَاهِيمْ سُرَبِيْ إِقْبَلْتُ عَدَارْسُ فُسَبَّتْ نُلِيمَانْ نَسْ».<sup>4</sup> وَلَيْ يِسْكَرْنْ لَخْدَمْتُ، تَغْرَاضُ نَسْ أَيْضُقُورْ أُورْدُ صَدَقاً.<sup>5</sup> أَمَّا وَلَيْ أُورْ إِسْكَرْنْ أَيْلَيْ فَلَاسْ إِلَانْ يَامَنْ سُرَبِيْ لَيْ يِتَّقْبَالْنْ أَمْعَصِيْ عَدَارْسُ، هَانْ لِيمَانْ نَسْ أَسْتِ إِقْبَلْ رَبِّي عَدَارْسُ.<sup>6</sup> غَمْكَلِي سُرَبِيْ إِنَّا دَاؤَدْ أَلَا نَتَّانْ لَيْغْ إِدْعَا سُلِيرَكَا إِوْفَكَانْ لَيْ يِقْبَلْ رَبِّي عَدَارْسُ بَلَا إِرْرَادْ مَيَانْ سُلِافَعَالْ نَسْ: «إِمْبَرَكِينْ أَدْ كَانْ وَلَيْ مِإْغْفَرْ رَبِّي دَنْوَبْ نَسْنْ إِدْلْ لَمْعَصِيَّاتُ نَسْنْ».<sup>7</sup> أَمْبَارْكِيْ أَيْكَا وَلَيْ مِأُورْ إِحَاسْبُ رَبِّيْ كَرَانْ لَمْعَصِيَّتْ.<sup>8</sup> إِزْدُ أَيْتْ لَخْتَانْتُ كَا أَيْكَانْ إِمْبَرَكِينْ غِيدْ نَعْدَ أَلَا وَلِيَتْنْ أُورْ كَنِينْ؟ نَكِنِي نَنَا يَادْ: رَبِّي يِقْبَلْ إِبْرَاهِيمْ عَدَارْسُ فُسَبَّتْ نُلِيمَانْ نَسْ».<sup>10</sup> مَانْ لُوقَتْ أَتِ إِقْبَلْ رَبِّي عَدَارْسُ؟ إِزْدُ لَيْغْ إِخْتَنْ نَعْدَ لَيْغْ تَا يَاكَ أُورْ إِخْتَنْ؟ لَيْغْ تَا أُورْ إِخْتَنْ، أُورْدُ لَيْغْ إِخْتَنْ!<sup>11</sup> فَادْ إِلَمَا أَيَّامَرْ تَمَارَتْ نُلِخْتَانْ تَكْرَشْ نُمَاسْتِ إِقْبَلْ رَبِّي عَدَارْسُ فُسَبَّتْ نُلِيمَانْ نَسْ لَيْغْ تَا أُورْ إِخْتَنْ، أَيْكَ بَابَاسْ نُ وَلَيْ كَلُو أَمْتَنِينْ لَيْ أُورْ كَنِينْ غَأَيْتْ لَخْتَانْتُ، فَانَّ إِقْبَلْ رَبِّي عَدَارْسُ أَلَا نَتَّيْ.<sup>12</sup> إِكْ بَابَاسْ نُ أَيْتْ لَخْتَانْ لَيْ أُورْ تَكَلِّنِينْ فُلِخْتَانْ وَحَدُوتْ، وَلَائِنِي أَلَا أَغَرَاسْ نُلِيمَانْ لَيْ يِضْقُورْ إِبْرَاهِيمْ أُورْتَا إِنْيُوكَتَانْ ضَقْفُورُتْ.<sup>13</sup> أَشْكُو لَقُولْ لَيْ يِفْكَا رَبِّيْ إِبْرَاهِيمْ دُ وَمُودْ نَسْ إِسْ رَادْ كُوسُونْ دُونِيتْ، أُورَاسْتِ إِفْكِيْ أَشْكُو إِسْكَرْ سُشَرْعُ، وَلَائِنِي أَفَاسْتِ إِفْكَا دَلِيمَانْ لَيْ سَتْ إِقْبَلْ عَدَارْسُ.<sup>14</sup> أَشْكُو إِغْدُ وَلَيْ سَكَرَنِينْ سُشَرْعُ كَا أَرَا يِكُوسُو، هَانْ لِيمَانْ أَلَا لَقُولْ أَنْ أُورْ سُولْ إِكِيْ يَاتْ،<sup>15</sup> أَشْكُو شَرْعُ أَرْدُ إِتَّوِيْ لَغَصَبْ نُرَبِّيْ، دِإِنَّاغْ أُورْ إِلِيْ شَرْعُ أُورْ كِيسْ أُنُوفْ نُأَغَرَاسْ.<sup>16</sup> غَانَّ أَفْ إِتَّبَنَا لَقُولْ نُرَبِّي فُلِيمَانْ أَيْكَ نَعْمَتْ نَسْ، إِغَمَا بَدَّا لَقُولْ إِوْمُودْنْ إِبْرَاهِيمْ كَلُوتْ. أُورْدُ إِولِيْ كَا سَكَرَنِينْ سُشَرْعُ، وَلَائِنِي أَلَا إِولِيْ أَمْتَنِينْ غَمْكَلِي يُومَنْ إِبْرَاهِيمْ، أَشْكُو إِكَا كَلُو بَابَاتَنْخْ.<sup>17</sup> غَمْكَلِي يِتَّيُورَانْ: «هَيْ كِيَخْ دَبَابَسْ نُتَمْوِينْ كُوتَنِينْ». يَامَنْ إِبْرَاهِيمْ سُرَبِيْ مَيَادْ عَلْلَكَدَامْ نُرَبِّي لَيْدُ إِتَّرَارَانْ وَلَيْ مُوتَنِينْ، أَرْ إِتَّكَا أَيْلَيْ أُورْ إِلِينْ دَوَادْ إِلَانْ.<sup>18</sup> إِبْرَاهِيمْ يُومَنْ، يِلِي كِيسْ رَجَا مَقَارْ

أَسْ أُورْ إِبَاينْ كُرَا نْ رْجَّا، إِكْ بَابَاسْ نْ تُمْتَوِينْ گُوتِتِينْ غُمْكَلِي سْ إِنَا وَرَّا نْ رَبِّي: «غُمْكَادْ أَرَائِيكْ وَمُودْ نَكْ». <sup>19</sup> أُورْ إِشْحِي لِيمَانْ نْ إِبْرَاهِيمْ لِيغْ أَيْسُونِكِيمْ غْ دَاتْ نَسْ لِي يِكَانْ زُونْدْ إِغْ تُمُوتْ، أَشْكُو غَوْدَانْ دَارْسْ كُرَا نْ مِيَا نْ أَسْكَاسْ، أَلَا يُوبِيتْ غْ تُمَعْرِتْ نَسْ سَارَة لِي أُورْ إِتْلِينْ تَرْوا. <sup>20</sup> أُورْ أَسْ إِضْرَ شَكْ غْ لُقُولْ نْ رَبِّي أَلَا إِفْ غْ لِيمَانْ، وَلَا يِنِي إِسْتْ إِسْدُوسْ لِيمَانْ نَسْ، إِفْكْ لَمَجْدْ إِرَبِّي. <sup>21</sup> إِحْقَاقْ إِسْ إِزْضَارْ رَبِّي أَدْ إِكْمَلْ لُقُولْ نَسْ. <sup>22</sup> لِيمَانْ أَدْ أَسْتْ إِقْبَلْ رَبِّي غْ دَارْسْ. <sup>23</sup> أُورْدْ نَتَانْ كَا أَفْ إِتِيُورَا إِسْتْ إِقْبَلْ رَبِّي غْ دَارْسْ، <sup>24</sup> وَلَا يِنِي أَلَا تِكْنِي إِقْبَلْ أَخْ غْ دَارْسْ، أَشْكُو نُومَنْ سْ رَبِّي لِيدْ إِسْكَرْنْ سِيدِيَّتْخْ يَسُوعْ غْ كَرْ وَلِي مُوتِتِينْ. <sup>25</sup> نَتَانْ لِي يِفْكَا إِلْمُوتْ فْ سَبَّتْ نْ دَنُوبْ نَخْ إِسْكَرْتِيدْ فْ أَدَاخْ إِقْبَلْ غْ دَارْسْ.

5

## إِفْرْ وِيسْ سَمُوسْ

<sup>1</sup> لِيغْد لِيمَانْ أَسَاخْ إِقْبَلْ رَبِّي غْ دَارْسْ، هُيَّ نَلَّا دِيدِسْ غْ لَهْنَا فْ سَبَّتْ نْ أَيْلِي يَسْكُرْ سِيدِيَّتْخْ يَسُوعْ لَمَسِيحْ، <sup>2</sup> نَتَانْ أَسْ نُوفَا أَنْكَشْ سْ نَعْمَتْ أَدْ لِيغْ نَلَّا غَلَادْ سْ لِيمَانْ، نَفْرَخْ سْ رَجَّا لِي دَارْنْخْ غْ لَمَجْدْ نْ رَبِّي. <sup>3</sup> أُورْدْ مَيَانْ كَا، وَلَا يِنِي أَرْ تَنْفَرَاحْ غْ تَرْوَمْتْ نْ تَسَاسِينْ، نَسَانْ تَسَاسْتْ إِسْ أَتْسَكَارْ صَبَّرْ، <sup>4</sup> صَبَّرْ أَرْدْ إِتَّوِي أَدْوَاسْ، أَدْوَاسْ أَرْدْ گِينْخْ إِتَّگَا رَجَّا. <sup>5</sup> رَجَّا أَدْ أُورْ سَرْسْ نَحْشَمْ، أَشْكُو رَبِّي إِتَّكُورْ أَوْلَوْنْ نَخْ سْ تَايِّري نَسْ سْ رُوحْ لَقْدُسْ لِي يَاخْ إِفْكَا. <sup>6</sup> أَشْكُو لِيغْ سُولْ أُورْ نَسُوكْرْ يَاتْ إِيْخَفَاؤْ نَخْ، أَيْمُوتْ لَمَسِيحْ غْ أَرْمَزْ لِي يَسْتِي رَبِّي فْ سَبَّتْ نْ وَلِي سَكْرِنِينْ دَنُوبْ. <sup>7</sup> إِدْرُوسْ إِغْ إِمُوتْ كُرَا نْ يَانْ فْ كُرَا نْ وَادْ إِصْلَحْنْ. إِزْضَارْ أَكْ أَيْرَعْمْ كُرَا نْ يَانْ إِمَتْ فْ كُرَا نْ بَنَادْ إِعْلَانْ. <sup>8</sup> وَلَا يِنِي رَبِّي إِسْبَاينْ أَحْدَ تَايِّري نَسْ، أَشْكُو لِيغْ نِيتْ سُولْ نَفَاغْ أَغْرَاسْ أَفَلَاحْ إِمُوتْ لَمَسِيحْ. <sup>9</sup> لِيغْد إِدَامَنْ نْ لَمَسِيحْ أَسْ أَخْ إِقْبَلْ رَبِّي غَلَادْ غْ دَارْسْ، مَمَنْكْ زَا أُورْ أَخْ إِتَّكُو غْ لَغَصَبْ نْ رَبِّي! <sup>10</sup> دْ لِيغْ نَمْصَالَحْ دْ رَبِّي سْ لَمُوتْ نْ يَوْسْ لِيغْ نِيتْ سُولْ نَكَأْ لَعْدُو نَسْ، مَمَنْكْ زَا أُورْ نَتَجَامْ سْ تُوْدَرْتْ نَسْ غَلَادْ غْ دِيدِسْ نَتَصَالَحْ! <sup>11</sup> أُورْدْ مَيَادْ كَا، وَلَا يِنِي نَفْرَخْ بَهْرَا سْ أَيْلِي يَسْكُرْ رَبِّي سِيدِيَّتْخْ يَسُوعْ لَمَسِيحْ لِي يَاخْ دِيدِسْ إِصْلَحْنْ.

<sup>12</sup> لَمَعْصِيَّتْ تَكْشِمْدْ سْ دُونِيتْ سْ يَانْ أَفْكَانْ، لِيغْد تَكْشِمْ لَمَعْصِيَّتْ تَكْشِمْدْ لَمُوتْ، تَلْكُمْ كُلُّو لَمُوتْ مَدَنْ، أَشْكُو عَصَانْ كُلُّو. <sup>13</sup> لَمَعْصِيَّتْ تَلَّا يَادْ غْ دُونِيتْ أُورْتَادْ يُوزْنْ رَبِّي شَرْعْ نَسْ. دْ لَمَعْصِيَّتْ أُورَا تَيُوْحِسِيبْ غْ إِنَّا غْ أُورْ إِلَى شَرْعْ. <sup>14</sup> وَلَا يِنِي لَمُوتْ تَمَلَّكْ فْ مَدَنْ غَمْنْ آدَمْ أَرْ مُوسَى، تِلِي حَتَّا فْ وَلِي أُورْ سَكْرِنِينْ زُونْدْ لَمَعْصِيَّتْ نْ آدَمْ لِي يِكَانْ زُونْدْ وَلِي رَادْ سُولْ يَاشَكْ. <sup>15</sup> وَلَا يِنِي إِكْوَتْ مِيَكَانْ گَرْ لَمَعْصِيَّتْ دْ تَكِيَّتْ نْ رَبِّي. أَشْكُو إِغْ إِكْوَتْ مَايِمُوتْنْ سْ لَمَعْصِيَّتْ نْ يَانْ، مَمَنْكْ زَا أُورْ تَكُوتْنْ وَلِي رَا يَامَزْ تُوكَتْ نْ نَعْمَتْ نْ رَبِّي دْ تَكِيَّتْ نَسْ سْ نَعْمَتْ لِي يَلَانْ سْ يَانْ أَفْكَانْ، أَتْ إِكَانْ دْ يَسُوعْ لَمَسِيحْ! <sup>16</sup> أَلَا أَيْلِي سْ تَكْرَا تَكِيَّتْ نْ رَبِّي أُورْتْ تَسْوِي دْ أَيْلِي سْ تَكُرَا لَمَعْصِيَّتْ نْ يَانْ أَفْكَانْ. أَشْكُو يَاتْ لَمَعْصِيَّتْ نْ يَانْ أَفْكَانْ

تِويِ كُلو مَدْنَسْ لَمُوتْ، وَلَائِنِي تِكِيتْ تِويِدِ إِمْدَنْ أَتَنْ إِقْبَلْ رَبِّي غْ دَارْسْ مَقَارْ سَكْرَنْ تُوكْتَنْ دَنْ تُوبْ.<sup>17</sup>  
 إِغْ تِمْلَكْ لَمُوتْ فْ مَدْنَسْ سَبَّتْ نْ لَمَعْصِيَتْ نْ يَانْ أَفْكَانْ، مَمْنُكْ زَا أُورْ تِمْلَكْنَ مَدْنَسْ غْ تُودْرَتْ. مَدْنَسْ  
 لِي فْ إِسْوَكْتْ رَبِّي نَعْمَتْ نَسْ إِقْبَلْنَ غْ دَارْسْ سْ يَانْ أَفْكَانْ، أَتْ إِكَانْ دْ يَسُوعْ لَمَسِيحْ!<sup>18</sup> هِيَ غَمْكِيلْ  
 تِويِ يَاتْ لَمَعْصِيَتْ لَحُوكْمْ نْ لَعَقَابْ إِمْدَنْ كُلُوتْنَ، أَدْ يَويِ وَفُولْكِي لِي يِسْكَرْ لَمَسِيحْ إِمْدَنْ أَتَنْ إِقْبَلْ رَبِّي غْ  
 دَارْسْ تِلي دَارْسْنَ تُودْرَتْ إِدُونْمَنْ.<sup>19</sup> غَمْكِيلْ كُلو كَانْ مَدْنَسْ لَمُودِنِيَنْ سْ لَمَعْصِيَتْ نْ يَانْ أَفْكَانْ، أَسْ رَاتَنْ  
 دَاخْ إِزْكَا رَبِّي سْ طَاعَتْ نْ يَانْ.<sup>20</sup> شَرْعْ إِكْشِمْدْ تِكَاتْ إِلَمَامْ لَمَعْصِيَتْ، وَلَائِنِي إِنَاعْ تِكَوْتْ لَمَعْصِيَتْ تِكَاتْ  
 گِيسْ نَعْمَتْ سْ أَكَارْ.<sup>21</sup> هِيَ غَمْكِيلْ تِمْلَكْ لَمَعْصِيَتْ فْ مَدْنَسْ تَوِيتْنَ سْ لَمُوتْ، أَتِمْلَكْ نَعْمَتْ تِويِدِ إِمْدَنْ أَتَنْ  
 إِقْبَلْ رَبِّي غْ دَارْسْ، تَوِيتْنَ سْ تُودْرَتْ إِدُونْمَنْ سِيدِيَتْخْ يَسُوعْ لَمَسِيحْ.

6

## إِفْرْ وِيسْ سَضِيقْ

١ مَارَزَا نِينِي؟ إِزْدْ أَنْغَما غْ لَمَعْصِيَتْ أَنِيَكَاتْ نَعْمَتْ?<sup>2</sup> حَاشَا! نِكَنِي لِي مُوتِنِينْ غْ لَجِهْتْ نْ لَمَعْصِيَتْ،  
 مَمْنُكْ أَسْ رَأْ سُولْ كِيسْ نَغْما?<sup>3</sup> نَغْدَ أُورْ تِسْتَمْ إِزْدَ وَنَا إِتَعْمَدْنَ أَيْكِ يَانْ دَيَسْوَعْ، إِسْ إِتَعْمَدْ أَدِيدِسْ إِكْ  
 يَانْ غْ لَمُوتْ نَسْ،<sup>4</sup> غَانْ أَفْ دِيدِسْ نِتِيُومْضَالْ سْ لَمَعْمُودِيَا نَكْ دِيدِسْ يَانْ غْ لَمُوتْ نَسْ، أَرْ نَزْكِيرْ أَلَا  
 نِكَنِي غْ تُودْرَتْ لَجِيدْ غَمْكِيلْ إِنْكَرْ غْ كَرْ وَلِي مُوتِنِينْ سْ لَمَجْدَنْ بَابَاتْخْ.<sup>5</sup> أَشْكُو إِغْ دِيدِسْ نَكَأْ يَانْ غْ  
 لَمُوتْ إِرْوَاسْنَ لَمُوتْ نَسْ، رَأْ دِيدِسْ نَكْ يَانْ غْ تَتَكْرَا نَسْ.<sup>6</sup> نِسَانْ إِسْ دِيدِسْ إِنْتَصَلْ بَنَادِمْ لِي نَكَأْ غَادَ  
 إِزْرِينْ أَنْكْ تَمِي إِدَاتْ نْ لَمَعْصِيَتْ، أَسُولْ أَسْ أُورْ نَكْ إِسْمَكَانْ.<sup>7</sup> أَشْكُو يَانْ إِمُوتْنَ أُورْ سُولْ أَكِيسْ  
 تَصْمِيرْ لَمَعْصِيَتْ.<sup>8</sup> هِيَ لِيَنْ نَمُوتْ دَلَمَسِيحْ، نُومَنْ إِسْ رَأْ دَاخْ دِيدِسْ نَدَرْ.<sup>9</sup> أَشْكُو نَحْقَاقْ إِسُولْ أُورَا  
 يَمَتْ لَمَسِيحْ تَمَانْ مَادَ إِنْكَرْ غْ كَرْ وَلِي مُوتِنِينْ لَمُوتْ أُورْ سُولْ كِيسْ تَبَاضْ.<sup>10</sup> أَشْكُو لَمُوتْ لِي يَمَوْتْ  
 إِمُوتِسْتَ يَاتْ تِكَلِيتْ فْ سَبَّتْ نْ لَمَعْصِيَتْ، تُودْرَتْ لِي يَدَرْ غَلَادْ إِدَرْتْ إِرْبِي.<sup>11</sup> غَمْكَانْ دَكَنِي حَسَبَاتْ  
 إِخْفَاؤْنَ نُونْ إِسْ تَمُوتْ إِلَمَعْصِيَتْ، وَلَائِنِي تِدَرْمَ إِرْبِي سْ لَمَسِيحْ يَسُوعْ سِيدِيَتْخْ.<sup>12</sup> هِيَ أَدْ أُورْ تِمْلَكْ  
 لَمَعْصِيَتْ دَاتْ نُونْ لِي يَتَمَّاتْنَ أَلَا أَرْ تِسْكَارْمَ سْ شَهَوَاتْ نَسْ،<sup>13</sup> أَدْ أُورْ تَقْكُمْ لَجَوَارْحْ نُونْ إِلَمَعْصِيَتْ أَدْ  
 كَنْ إِفْشَكَانْ إِكَارْ، وَلَائِنِي فَكَاتْ إِخْفَاؤْنَ نُونْ إِرْبِي زُونْدَ وَلِي دَرْتِينْ نَكْرُنْدَ غْ كَرْ وَلِي مُوتِنِينْ، نَقْكَمْ أَسْ  
 لَجَوَارْحْ نُونْ زُونْدَ إِفْشَكَانْ إِمَايِصْلَحْنَ.<sup>14</sup> أَشْكُو لَمَعْصِيَتْ أُورْ سُولْ رَاكِيُونْ تَصْمِيرْ، أَشْكُو أُورْ تَلِيمْ غْ دُو  
 لَاحْكَامْ نْ شَرْعْ وَلَائِنِي أَغْ تَلَامْ دُو لَاحْكَامْ نْ نَعْمَتْ.

١٥ مِيتْ زَا؟ إِزْدْ أَكَا نَتَعْصُو أَشْكُو أُورْ سُولْ نَلِي غْ دُو لَاحْكَامْ نْ شَرْعْ وَلَائِنِي أَغْ نَلَّا دْ وِينْ نَعْمَتْ?  
 حَاشَا!<sup>16</sup> إِزْدْ أُورْ تِسْتَمْ إِزْدَ يَانْ مَنْ تَكَامْ إِخْفَاؤْنَ نُونْ تَكْمَ أَسْ إِسْمَكَانْ تَضْعُومْ أَسْ، إِسْ إِكَأْ سِيدِيَتُونْ تَكْمَ  
 إِسْمَكَانْ نَسْ لَيْتْ ضَعَنِينْ: إِمَامَأَنْكَمْ وِينْ لَمَعْصِيَتْ لِي إِتَوِينْ سْ لَمُوتْ، نَغْ وِينْ طَاعَتْ لِي يَتَوِينْ سْ

مَيْصِلْحُنْ؟<sup>17</sup> وَلَايْنِي أَرْ نَتْشَكَارْ رَبِّي، أَشْكُو تَكْمِينْ تُكَامْ إِسْمَكَانْ الْمَعْصِيَتْ، وَلَايْنِي غَلَادْ أَرْ تَسْقَلِيدْ سْتَمَانْ أُولْ نُونْ سْالْمُودْ لِي تُومَزْ.<sup>18</sup> غَلَادْ غْ تَفُوكَامْ غْ لِمَعْصِيَتْ تُوضَامْ تُكَامْ إِسْمَكَانْ إِمَايْصِلْحُنْ.<sup>19</sup> غِيدْ أَرْ سَوَالْخْ زُونْدْ كُلُو مَدْنْ أَشْكُو أُورْ تَرْضَارْمْ أَنْفَهْمْ. غَمَكْلِي تَفَكَامْ لَجَوَارِحْ نُونْ غَادْ إِزْرِينْ أَدْ كَنْ إِسْمَكَانْ إِيَيلِي يِلْسِنْ دَكَارْ تُكَامْ غَلَادْ لَجَوَارِحْ نُونْ أَدْ كَنْ إِسْمَكَانْ نْ مَيْصِلْحُنْ تُكَامْ وَيِنْ رَبِّي.<sup>20</sup> لَيْغْ تَكَامْ إِسْمَكَانْ الْمَعْصِيَتْ، أُورْ سُولْ تَلَزْ سْمَائِلْحُنْ.<sup>21</sup> مَانْ صَحَا أَيُونْدْ فَلْنْ لَافَعَالْ أَنْ لِي سْتَحْشَمْ غَلَادْ، أَشْكُو إِسْ إِكْرَا نَسْ لَمُوتْ أَسْ أَتَوِينْ!<sup>22</sup> وَلَايْنِي غَلَادْ غْ تَفُوكَامْ غْ إِسْكَرَافْ نْ لِمَعْصِيَتْ تُكَامْ إِسْمَكَانْ إِرْبِي، لَغَلْتْ نُونْ تَكَأْ تَيِّنْ مَيْصِلْحُنْ، إِسْ إِكْرَا نَسْ تُودَرْتْ إِدُونْ.<sup>23</sup> أَشْكُو تَغْرَادْ لِي تَكَأْ لِمَعْصِيَتْ تَكَأَتْتْ لَمُوتْ، وَلَايْنِي تِكِيتْ نْ رَبِّي تَكَاتْ تُودَرْتْ إِدُونْ سْ لَمَسِيحْ يَسُوعْ سِيدِيَّتْخ.

7

## إِفْرُ وِيسْ سَا

<sup>1</sup> نُغَدْ أُورْ تَسْتَمْ أَيِّيَّنْمَا كَنْيِي لِي سَتِّينْ شَرْعْ، إِسْ إِلَا شَرْعْ فْ أَفْكَانْ مَاحَدْ إِلَا سُولْ غْ تُودَرْتْ؟<sup>2</sup> أَشْكُو تَمْغَرْتْ نَا إِتَاهَلْنْ إِكْرِفتْ شَرْعْ دَأْرْكَازْ نْسْ مَاحَدْ إِلَا سُولْ غْ تُودَرْتْ. وَلَايْنِي إِغْ إِمُوتْ أَرْكَازْ نْسْ إِرْزْمْ أَسْ شَرْعْ لَيْتْ دِيدْسْ إِسْمُونْ.<sup>3</sup> هَيْ مَاحَدْ إِدَرْ سُولْ أَرْكَازْ نْسْ إِغْ تَكَأْ تَيِّنْ وَيَاضْ هَانْ تَلِي يَتَرْنُونْ أَنْكَأْ. وَلَايْنِي إِغْ إِمُوتْ أَرْكَازْ نْسْ إِرْزْمْ أَسْ شَرْعْ، دَأُورْ سُولْ تَكِي تَلِي يَتَرْنُونْ إِغْتْ يَوِي أَرْكَازْ يَصِّينْ.<sup>4</sup> غَمَكَانْ دَكَنْيِي أَيِّيَّنْمَا، تَمُوتْنْ غْ لَجِهْتْ نْ شَرْعْ سْ دَاتْ نْ لَمَسِيحْ لِيدْ تَكَامْ يَانْ، أَتَكْمْ وَيِنْ وَيَاضْ، وَيِنْ لَمَسِيحْ لِيدْ إِنْكِرْنْ غْ كَرْ وَلِي مُوتِّينْ أَنَّكَامْ لَغَلَاتْ إِرْبِي.<sup>5</sup> لَيْغْ سُولْ نُكَأْ وَيِنْ دَاتْ خَدْمَنْتْ غْ لَجَوَارِحْ نَخْ كَأْ شَهَوَاتْ لِيدْ إِسْكَرْ شَرْعْ، أَرْ نَكَأْ لَغَلَاتْ لِي تَوِينِينْ سْ لَمُوتْ.<sup>6</sup> أَمَّا غَلَادْ غْ نَفُوكَأْ غْ إِسْكَرَافْ نْ شَرْعْ، نَمُوتْ إِيَيلِي يَاخْ إِكْرِفْنْ، أَرْ نَتَعْبَادْ رَبِّي سْ تُودَرْتْ لَجِيدْ لِي يِكَانْ تَيِّنْ رُوحْ أُورْدْ سْ إِسْكَرَافْ إِقْدِيمْ نْ تِرَأْ نْ شَرْعْ.<sup>7</sup>

مَرَازَا نِينِي؟ إِسْ إِكَأْ شَرْعْ لِمَعْصِيَتْ؟ حَاشَا! مَلَادْ أُورْ شَرْعْ أُكْ رَادْ إِسَانْخْ مِيَكَانْ لِمَعْصِيَتْ. أُورَادْ إِسَانْخْ شَهَوَا مَلَادْ إِسْ إِورْ إِنِي شَرْعْ: «أَدْ أُورْ تَشَهُوتْ».<sup>8</sup> وَلَايْنِي لِمَعْصِيَتْ تُفَا سَرِي أَغَرَاسْ سْ لُوْصِيَّتْ أَدْ، تَسْنَكِرْدْ كِيَّيِي كِرِيَّكَاتْ شَهَوَا. أَشْكُو بِلَانْ شَرْعْ تَمُوتْ نِيتْ لِمَعْصِيَتْ.<sup>9</sup> لَيْغْ أُورْ سَنْخْ شَرْعْ كِيَخْتِينْ دَرْخْ. وَلَايْنِي لَيْغْ سَنْخْ لُوْصِيَّتْ تَدَرْ لِمَعْصِيَتْ، مَتَخْ نَكِيْ،<sup>10</sup> تَفَغْ لُوْصِيَّتْ لِي يَتَسْكِرْنْ فْ أَيْ تَوِي سْ تُودَرْتْ تَوِيْ سْ لَمُوتْ.<sup>11</sup> أَشْكُو لِمَعْصِيَتْ تُفَا سَرِي أَغَرَاسْ سْ لُوْصِيَّتْ، تَعْضُرِي سَرْسْ تَتَغِيْ.<sup>12</sup> هَيْ شَرْعْ إِتَيْوَقْدَسْ، لُوْصِيَّتْ تَيْوَقْدَسْ تَصْلَحْ تَكْ لَحَقْ.<sup>13</sup> إِسِيْ زَا إِكَأْ إِيَيلِي إِصْلَحْ سَبَا نْ لَمُوتْ إِنُو؟ حَاشَا! أَيْ يِكَانْ سَبَا نْ لَمُوتْ دَ لِمَعْصِيَتْ. نَتَاتْ أَيْ يِسْكِرْنْ لَمُوتْ سْ أَيِّلِي يَصِّلْحْ فَادْ تَبَابَنْ إِزْدْ لِمَعْصِيَتْ أَنْكَأْ، تَبَابَنْدْ سْ لُوْصِيَّتْ إِسْ نِيتْ بَهْرَا تَكَأْ لِمَعْصِيَتْ.

<sup>14</sup> أَشْكُو نِسْنَ شَرْعُ إِسْ إِكَا وِينْ رُوحْ، نُكَيْ كِيْخْ وِينْ دَاتْ نِزْخْ كِيْخْ إِسْمَنْكْ إِتُوبْ. <sup>15</sup> نُكَيْ أُورْ سِنْخْ مَادْ سَكَارْخْ، أَشْكُو أُورْدْ أَيْلِي رِيْخْ أَدْ سَكَارْخْ، وَلَائِنِي أَدْ سَكَارْخْ دْ أَيْلِي نِيتْ حَاشَاخْ. <sup>16</sup> إِغْ أَسْكَارْخْ أَيْلِي حَشَاخْ، هِيَ مُشُوشْكِيْخْ نِيتْ دْ شَرْعُ إِسْ إِكَا لَحَقْ. <sup>17</sup> غَلَادْ أُورْ سُولْدَنْكِيْنْ أَيْسَكَارْنْ مَيَانْ، وَلَائِنِي أَتْ إِسْكَارْنْ دْ لِمَعْصِيْتْ لِي كِيْكِيْ إِزْدُغَنْ. <sup>18</sup> أَشْكُو سِنْخْ إِسْ كِيْكِيْ أُورْ إِزْدُغَنْ كِرَا إِصْلَحْ غْ دَاتْ إِنُو. أَشْكُو رُوزْضَخْ أَدْ سَكَرْخْ أَفُولْكِي، مَيَانْ إِرْخَا نِيتْ فَلِي، وَلَائِنِي إِغْ رِيْخْ أَتْ سَكَرْخْ أُورَاسْ رِضَارْخْ. <sup>19</sup> أَشْكُو أُورْدْ مَايَصْلَحْ لِي رِيْخْ أَدْ سَكَارْخْ، وَلَائِنِي أَدْ سَكَارْخْ دْ كَارْ لِي نِيتْ حَشَاخْ. <sup>20</sup> إِغْدْ أَيْلِي حَشَاخْ أَدْ سَكَارْخْ، هِيَ أُورْ سُولْدَنْ نُكَيْ أَتْ إِسْكَارْنْ، أَتْ إِسْكَارْنْ دْ لِمَعْصِيْتْ لِي كِيْكِيْ إِزْدُغَنْ. <sup>21</sup> أَرْنَ تَفَاخْ إِحْفَ إِنُو لِيْخْ غْ دُو لَاحَكَامْ نْ شَرْعْ أَدْ: إِغْ رِيْخْ أَدْ سَكَرْخْ أَفُولْكِي هَا كَارْ إِحَاضَرْدْ دِيدِي. <sup>22</sup> أَشْكُو أَرْ تَفَاخْ غْ أَكْنَسْ نْ وُولْ إِنُو سْ شَرْعْ نْ رَبِّي. <sup>23</sup> وَلَائِنِي أَرْ سَمُوقُولْخْ إِسْ إِلَّا يَانْ شَرْعْ يَصْنَيْنْ غْ لَجُوارْخْ إِنُو أَرْ إِتَمَاعْ دْ شَرْعْ لِي يَلَانْ غْ لَعَقْلْ إِنُو، أَرِيْ يَكْرَفْ إِكِيْ دْ إِسْمَنْكْ إِشَرْعْ نْ لِمَعْصِيْتْ لِي يَلَانْ غْ لَجُوارْخْ إِنُو. <sup>24</sup> تَجْرَا كِيْكِيْ كِيْخْ أَفْكَانْ إِلَانْ غْ تُمَارَا! مَارِيْ يَقُوكُو غْ دَاتْ أَدْ إِكَانْ تِينْ لِمُوتْ؟ <sup>25</sup> أَرْ تَشْكَارْخْ رَبِّي لِيْ يَقُوكَانْ سْ يَسُوعْ لَمَسِيحْ سِيدِيْتَخْ! هِيَ أَرْ سَقْلِيدْخْ سْ شَرْعْ نْ رَبِّي سْ لَعَقْلْ إِنُو، وَلَائِنِي دَاتْ إِنُو أَرْ تَسْقَلِيدْ سْ شَرْعْ نْ لِمَعْصِيْتْ.

8

## إِفْرَ وِيسْ تَامْ

<sup>1</sup> غَلَادْ أُورْ سُولْ إِتُوتْ كِرَا نْ لَحُوكْمْ فْ وِلَيْ لَانِينْ غْ لَمَسِيحْ يَسُوعْ، أَرْ زَكِيْزِنْ سْ رُوحْ أُورْدَسْ دَاتْ. <sup>2</sup> أَشْكُو شَرْعْ نْ رُوحْ لِي يَكَانْ تُودْرْتْ غْ لَمَسِيحْ يَسُوعْ إِفْسِيْ غْ أَسْكَرْفْ نْ شَرْعْ نْ لِمَعْصِيْتْ دْ لِمُوتْ. <sup>3</sup> أَشْكُو أَيْلِي أُورْ إِلْكْمْ شَرْعْ فْ سَبَّتْ نْ دَاتْ لِي بَيْيَنْ لَجْهَدْ نَسْ، إِلْكْمَتْ رَبِّي لَيْغَدْ يُوزْنْ يَوْسْ فْ صَفَّتْ نْ دَاتْ نْ أَفْكَانْ لِي إِعْصَانْ، إِكْفَرْ فْ لِمَعْصِيْتْ، يُوتْ لَحُوكْمْ فْ لِمَعْصِيْتْ غْ دَاتْ، <sup>4</sup> فَادَ كِيْنَخْ إِكْمَلْ رَبِّي مَايَصْلَحْ لِي كِيْنَخْ إِرَا شَرْعْ، نُكَيْ لِي زَكِيْزِنْ بَيْنْ سْ رُوحْ أُورْدَسْ دَاتْ. <sup>5</sup> وِلَيْ ضَفُورْنِينْ دَاتْ هَانْ أَيْلِي يَكَانْ وِينْ دَاتْ أَغْتَ تَوِينْ، وَلَائِنِي وِلَيْ ضَفُورْنِينْ رُوحْ هَانْ أَيْلِي يَكَانْ وِينْ رُوحْ أَغْتَ تَوِينْ. <sup>6</sup> أَشْكُو يَانْ إِضْفُورْنْ دَاتْ أَرْتْ تَوِي سْ لِمُوتْ، وَلَائِنِي يَانْ إِضْفُورْنْ رُوحْ أَرْتْ إِتَوِي سْ تُودْرْتْ دْ لَهْنَا. <sup>7</sup> يَانْ إِضْفُورْنْ دَاتْ أَيْكَا دْ لَعْدُونْ رَبِّي، أَشْكُو أُورَا إِسْقَلِيدْ سْ شَرْعْ نْ رَبِّي أَلَا يَرْضَارْ أَسْ. <sup>8</sup> وِلَيْ ضَفُورْنِينْ دَاتْ أُورْ رِضَارْنْ أَدْ سَرْضُونْ رَبِّي. <sup>9</sup> أَمَّا كِنَّيْ رُوحْ أَغْتَ تَوِيمْ أُورْدَ دَاتْ، إِغْ كِيْوْنْ إِزْدُغَنْ رُوحْ نْ رَبِّي. وَلَائِنِي يَانْ دَارْ أُورْ إِلِي رُوحْ نْ لَمَسِيحْ، هَانْ أُورْ إِكِيْ وِينْ لَمَسِيحْ. <sup>10</sup> دْ مَقَارْ كِيْوْنْ إِلَّا لَمَسِيحْ، دَاتْ نُونْ رَأْ تَمَّتْ فْ سَبَّتْ نْ لِمَعْصِيْتْ، وَلَائِنِي رُوحْ نَسْ إِكَائِونْ تُودْرْتْ أَشْكُو إِقْبَكْنْ رَبِّي غْ دَارْسْ. <sup>11</sup> إِغْ كِيْوْنْ إِزْدُغَنْ رُوحْ نْ رَبِّي لَيْدِ إِسْنَكْرْنْ يَسُوعْ غْ كَرْ وِلَيْ مُوتْتِينْ، هَانْ وَلَيْدِ إِسْنَكْرْنْ لَمَسِيحْ غْ

گُرْ وِلِّي مُوتَّينْ نَنَانْ أَرَادِ إِرَارْ دَاتْ نُونْ لَيْ يُمُونْ سْ تُودْرْتْ سْ رُوْحْ نُسْ لَيْ كِيونْ إِزْدْعَنْ. <sup>12</sup> هِيَ أَبِيَّنَما أُورَاخْ تَضْفُورْ دَاتْ أَسْكَارْ سْ كَارْ شَهَوَاتْ نُسْ. <sup>13</sup> أَشْكُو إِغْ تَضْفُورْمْ كَارْ شَهَوَاتْ نْ دَاتْ رَا تَمْتَمْ غْ لَجِهْتْ نْ رُوْحْ، وَلَايْنِي إِغْ أَنْكَامْ تَمِي إِكَارْ لَافَعَلْ نْ دَاتْ سْ رُوْحْ رَا تَدْرَمْ. <sup>14</sup> أَشْكُو وِلِّي مِ يَزْكُورْ رُوْحْ نْ رَبِّي، نَتْتِي أَيْكَانْ تَرْوَانْ رَبِّي. <sup>15</sup> أَشْكُو أُورْ تُومِرْمْ رُوْحْ لَيْ رَاكِنْ إِكْ دِ إِسْمَكَانْ إِرَارِكَنْ سْ تَكْصَاصْ، وَلَايْنِي أَتُومِرْمْ دِ رُوْحْ لِيْكِنْ إِكَانْ تَرْوَانْ رَبِّي. رُوْحْ أَدْ أَسْ نَقْرَاءْ: «أَبَا، وَأَبَا بَاتْخ». <sup>16</sup> رُوْحْ أَدْ نَيْتْ أَيْكَانْ تُوكَأْ دِ لَارْوَاحْ نَخْ إِسْ نَكَأْ تَرْوَانْ رَبِّي. <sup>17</sup> إِغْ نَكَأْ تَرْوَانْ رَبِّي هِيَ رَا نَكُوسُ لَبَرَكَاتْ نُسْ، نَكَنِي دِ لَمَسِيحْ. إِغْ أَدِيدِسْ نَتْرُوفُونْ هَانْ رَا دِيدِسْ نَلي غْ لَمَجْدَنْ.

<sup>18</sup> أَشْكُو حَاقَّخْ إِنْكَازْنْ نْ غَلَادْ إِسْ أُورْ كِينْ يَاتْ غْ أَمْنِيدْنْ لَمَجْدَلِي رَادَاخْدِ إِسْبَابِينْ رَبِّي. <sup>19</sup> مِيَادْ أَفْ بَهْرَا يَوِينْتْ لَمْخَلُوقَاتْ رَجَأْ سْ وَاسْ أَنْ لَيْغْ رَادَ إِبِيَّنْ رَبِّي تَرْوَانْسْ. <sup>20</sup> أَشْكُو لَمْخَلُوقَاتْ أُورْدْ لَخَاطْرْ نَسْنَتْ أَسْ لَانْتْ غْ دُو لَاحْكَامْ نْ أَيْلِي أُورْ إِكِينْ يَاتْ، وَلَايْنِي رَبِّي أَتَتْ كِيسْ إِكَانْ إِفْكْ أَسْنَتْ رَجَأْ. <sup>21</sup> أَشْكُو لَمْخَلُوقَاتْ سْ إِخْفَاؤْنْ نَسْنَتْ رَادَ أَسْنَتْ إِرْزَمْ رَبِّي غْ أَسْكَرْفْ نْ لَهَلَكْ أَتَتْ دَاخْ أُورْ إِشْ وَكَالْ، إِلِينْتْ دْ تَرْوَانْ رَبِّي غْ تَدْرِفِيتْ دِ لَمَجْدَنْ. <sup>22</sup> نَسْنْ إِسْ أَكُلُو نَدْرِنْتْ لَمْخَلُوقَاتْ إِلِينْتْ غْ إِنْكَازْنْ أَرْ غَلَادْ. <sup>23</sup> أُورْدْ نَتْتِي كَا وَحَدُوتْتَنْ، وَلَايْنِي أَلَا نَكَنِي لَيْ دَارْ لَعْلَتْ تَمْنُزُويْتْ نْ رُوْحْ، أَرْ نَنْدَرْ غْ أَكْنَسْ نْ وُولْ نَخْ، أَرْ نَقْلَنْ سْ وَاسْ لَيْغْ رَادَاخْ إِكْ رَبِّي تَرْوَانْسْ إِفْدُودْ دَاتْ نَخْ. <sup>24</sup> أَشْكُو رَجَأْ أَسْ نِنْجَمْ. وَلَايْنِي إِغْ نَدَا أَرْدَنْسْمُوقُولْ رَجَأْ أُورْ سُولْ إِكِي رَجَأْ، أَشْكُو أَيْلِي يَسْمُوقُولْ يَانْ مَمْنَكْ أَسْ رَاتْ سُولْ إِنْرِجُو؟ <sup>25</sup> وَلَايْنِي إِغْ أَنْتَرِجُو أَيْلِي أُورْ نِسْمُوقُولْ، هَانْ أَرْ سِرْسْ نَنْقَلْ سْ صِبَرْ. <sup>26</sup> غَمْكَانْ دِ رُوْحْ أَلَا نَتَانْ أَرْ إِنَاؤْسْ إِضُوعْ فْ نَخْ، أَشْكُو أُورْ نَسْنَ مَاسْ إِخْصَانْ أَتْ نَتَضَالَبْ غْ طَرَلِيتْ. وَلَايْنِي رُوْحْ سْ إِخْ فْ نُسْ أَرْ كِينْخْ إِتَشَفَاعْ أَرْ إِتَضَالَبْ رَبِّي أَرْتْ إِتَحُورْمُو غْ لَجِهْتْ نَخْ سْ غَمْكَلِي سْ أُورْ ثِضَارْنْ إِولِيُونْ أَفْلَاسْ سَاوَلْنْ. <sup>27</sup> وَلَايْنِي وَلِي يَسْفَاقَوْنْ أُولَوْنْ إِسْنَ مَايْرَا رُوْحْ، أَشْكُو رُوْحْ أَرْ إِتَشَفَاعْ غْ أَيْتْ رَبِّي سْ شُورْنْ رَبِّي. <sup>28</sup> نَكَنِي نَسْنْ إِسْنْ أَكُلُو تَخْدَامْنْتْ تَغْوُسِيْنْ فْ وَفَولِكِي إِولِي رَائِنِنْ رَبِّي، إِغْرِ أَسْنْ سْ أَيْلِي يَرَا. <sup>29</sup> أَشْكُو وِلِّي يَسْنَ غَادْ إِزْرِينْ إِسْتِيْنْ يَادْ فْ أَدْ كَنْ زُونْدِيُونْسْ، أَيْكَنْ نَتَانْ إِخْدِي غْ كَرْ وَيَنْتَمَانْ كَوْتِينْ. <sup>30</sup> وِلِّي سِ إِزْوُورْ إِسْتِنْ يَادْ إِسْتِي إِغْرَايْسْنْ. وِلِّي مِ إِغْرَا إِقْبَلْنْ غْ دَارْسْ. وِلِّي يَقْبَلْ غْ دَارْسْ إِكَابِيْسْ تَصْعَارْتْ غْ لَمَجْدَنْ.

<sup>31</sup> مَرَازَا نِينِي فْ مِيَادْ! إِغْ دِيدْنَخْ إِلَا رَبِّي، مَانُوا يَزْضَارْنْ أَيْكَ ضِيَضْ نَخْ؟ <sup>32</sup> رَبِّي أُورْ إِحْنِي غِ يُوسْ، وَلَايْنِي إِسْتْ فَلَاخْ إِسْبَلْ كَلُو يَاخْ، مَمْنَكْ زَا أَدَاخْ دِيدِسْ أُورْ يَكَا كَرِيْكَاتْ تَغْوَسَا؟ <sup>33</sup> مَانُوا رَا يَشَكَّا فْ وِلِّي يَسْتِي رَبِّي؟ رَبِّي نَيْتْ أَتَنْ إِقْبَلْنْ غْ دَارْسْ. <sup>34</sup> مَانُوا رَا فَلَاسْنْ يُوتْ لَحُوكْمْ؟ إِمُوتْ نَيْتْ فَلَاسْنْ لَمَسِيحْ، وَلَايْنِي إِنْكَرْدْ، يَلِي غَلَادْ غْ أَفَاسِيْنْ رَبِّي أَرْ كِينْخْ إِتَشَفَاعْ. <sup>35</sup> مَارَادْ أَخْ زَا يَبْضُو دْ تَايِري نْ لَمَسِيحْ؟ إِزْدَ تَسَاسْتْ نَغْدَ ثِيَارْ نَغْدَ تَرْفُوفِنْتْ نَغْدَ لَاثَ نَغْدَ لَعْرَا نَغْدَ لَخَطَرْ نَغْدَ سِيفْ؟ <sup>36</sup> غَمْكَلِي يَيْنِيُورَانْ: «كَرِيْكَاتْ أَسْ

## إِفْرَ وِيسْ طَرَا

<sup>١</sup> لَحْقَ أَدْ تَتِيْخَ أَشْكُوْ كِيْخَ وِينْ لَمْسِيْخَ، أُورَا سُكْرُكِيْسْخَ، ضَمَّيْرَ إِنُوْ إِكَا فَلِيْ يِنْكِي سْ رُوْخْ لَقْدُسْ: <sup>٢</sup> إِسْ تَكْوُتْ تَكُوْضِيْ نُو يِلِي بَدَا أَنْكَارْ غُ أُولُ إِنُو. <sup>٣</sup> أَشْكُوْ ژُوْرُضْخَ أَدْ أَوْسْخَ إِبِيْتِمَا دَيْدَرِيْ لِيدْ شِرْكَخْ إِدَامَنْ، مَقَارْ رَا فَلَاسْنْ تَيْوَلْعَانْخَ نَكْرَاخْ فَلَاسْنْ دَ لَمْسِيْخَ، <sup>٤</sup> نَتِيْ لِيْ كَنِينْ إِيتْ رَبِّيْ، إِكْتِنْ رَبِّيْ دَ تَرْوَا نَسْ إِفْكَ أَسْنْ تَصْغَارْتْ غُ لَمْجَدْ إِفْكَ أَسْنْ إِدْ لَعَهْدْ دَ شَرْعَ دَ لَعَبَدَا دَ إِدْ لَقْولْ، <sup>٥</sup> نَتِيْ أَغْ كَانْ لَاجْدُودْ نَخْ، دَ نَتِيْ أَغْدْ يُوشْكَا لَمْسِيْخْ إِشْرَكْ دِيدْسْنْ إِدَامَنْ، نَتَنْ لِيدْ إِكَانْ أَفْلَا إِكَرَا يِلَانْ إِكْ رَبِّيْ لِيْ بَدَا نَتْحَمَادْ. آمِينْ.

<sup>٦</sup> أُورْدْ إِسْ نَيْخْ إِصْرْ لَقْولْ نْ رَبِّيْ، أَشْكُوْ تَرْوَا نْ إِسْرَائِيلْ أُورْ كُلُوْ كِينْ غُ إِيتْ رَبِّيْ، <sup>٧</sup> أَلَا كَانْ كُلُوْ تَرْوَا نْ إِبْرَاهِيمْ تَرْوَا نَسْ حَقَاقِينْ، أَشْكُوْ أَرَأَا نْ رَبِّيْ إِنَا: «إِسْحَاقْ أَسْ رَادْ نَقْلَتْ أَمُودْ». <sup>٨</sup> هِيْ أُورْ كُلُوْ كِينْ تَرْوَا نْ إِبْرَاهِيمْ تَرْوَا نْ رَبِّيْ، أَيْكَانْ تَرْوَا نْ رَبِّيْ دَ وِلِيْ سْ إِقاوْلْ رَبِّيْ إِبْرَاهِيمْ. <sup>٩</sup> أَشْكُوْ رَبِّيْ إِقاوْلْ إِبْرَاهِيمْ إِنَّا يِسْ: «هَيْ رَادْ وُرِيْخْ غُ زُونْدْ أَرْمَزْ أَدْ، أَيْكِي يَانْ وَرَأَوْ دَارْ سَارَة». <sup>١٠</sup> أُورْدْ مَيَادْ كَا، أَلَا رِفْقَةْ لِيْغُ تُوسِيْ أَحْلِيْكْ نْ إِكَنَا، يَانْ أَيْكَا بَابَاتِسْنْ، أَتْ إِكَانْ دَ بَابَاتِخْ إِسْحَاقْ <sup>١١</sup> وَلَيْتِي أُورْتَادْ لُولَانْ تَرْوَا أَدْ سِينْ، أَلَا سُكْرُنْ مَايِعْدَنْ أَلَا مَايِخْصَرْنْ، أَدْ سُرْسْ إِسَاوْلْ رَبِّيْ إِنَّا يِسْ: «هَانْ وَادْ مَقْوَرْنْ رَأِيْكْ إِسْمَنْ كَوْ إِوَادْ مَزِينْ». <sup>١٢</sup> فْ أَيْغَعَا إِيْلِيْ يِسْتِيْ رَبِّيْ فْ لَسَاسْ نْ يَانْ إِسْتِيْ إِغْرَاسْ، أُورْدْ فْ لَافَعَالْ نَسْ. <sup>١٣</sup> غَمْكُلِيْ يِتْتِيُورَانْ غُ وَرَأَا نْ رَبِّيْ: «رِيْخْ يَعْقُوبْ أَكِيْخْ عِيسُو».

<sup>١٤</sup> مَرَازَا نِينِي؟ إِسْ أَيْنِعْدَا رَبِّي؟ حَاشَا. <sup>١٥</sup> أَشْكُوْ أَرْ إِتِيْ إِمُوسَى: «أَرْ تَرْحَامْخْ فْ يَانْ رِيْخْ، أَرْ تَحْنُوخْ غُ يَانْ رِيْخْ». <sup>١٦</sup> هِيْ مَيَادْ أُورْ إِلِيْ إِيَانْ إِرَانْ أَلَا يَانْ فَلَاسْ إِتْرِيلِنْ، وَلَيْتِي أَسْ إِلَا دَ رَحْمَتْ نْ رَبِّيْ. <sup>١٧</sup> أَشْكُوْ أَرْ إِتِيْ وَرَأَا نْ رَبِّيْ إِفْرَعَونْ: «أَفْكَ كِيْخْ دَ أَكْلِيدْ دَ أَدْ كِيْكْ سَبَابِيْخْ لَجَهْدْ إِنُو، دَ أَدْ إِنْيُوسَانْ إِسْمْ إِنُو غُ وَكَالْ كُلُوتْ». <sup>١٨</sup> هِيْ رَبِّيْ أَرْ إِتْرَحَامْ يَانْ إِرَا، أَرْ إِسْغَارْ أُولْ نْ يَانْ إِرَا. <sup>١٩</sup> غِيدْ رَادِيْ تَتِيتْ: «مَاخْ زَا أَسْوُلْ أَخْ إِتْحَسَابْ؟ مَانُوا يِزْضَارْنْ أَيْكْ ضَيْضَنْ نْ شُورْ نَسْ؟» <sup>٢٠</sup> وَلَيْتِي مَاتِكِيتْ أَيْفَكَانْ أَدْ تَرَزَاتْ أَوَالْ إِرْبِيْ؟ إِسْ أَيْتِيْ أُفْشُكُوْ إِوكِلِيتْ إِسْكِرْنْ: «مَاخْ أَدِيْ تَسْكِرْتْ سْ غَمْكَادْ؟» <sup>٢١</sup> نَعْدْ أُورْ إِزْضَارْ بُو يِدْقَيْ أَيْسِكْرْ غُ تَلَاعَتْ مَكْنَا يِرَا، إِسْكِرْ كِيسْ يَانْ أَرْكُوْ إِلَانْ شَانْ دَ وَيَاضْ لَيْتْ أُورْ إِلِينْ؟ <sup>٢٢</sup> إِمَا إِغْ إِرَا رَبِّيْ أَدْ إِسْبَائِينْ لَغَضَبْ نَسْ إِمْلَاخْ لَجَهْدْ نَسْ، إِصْبَرْ يِلِيْ لَخَطْرْ إِكُوتْنْ إِيْقَشْكَانْ نْ لَغَضَبْ لِيْ كَنِينْ وِينْ طَرْزِيْ.

إِسْبَائِيدْ تُوكْتَ نْ لِمَجْدُ نْسْ إِيْفِشَكَانْ نْ رَحْمَتْ لَيْ يُسْكِرْ إِلْمَجْدُ نْسْ غَمْنْ إِسْ إِزْوُورْ،<sup>24</sup> نَكْنَنْ نَكْنَيْ لَيْ مِ إِغْرَا، أُورْدْ غْ كْرْ أُودَائِينْ كَا وَلَائِيْنِي أَلَا غْ كْرْ لَكْنُوسْ. <sup>25</sup> غِمْكَلِي يِنْتِي رَبِّي غْ وَرَانْ هُوشْعْ: «رَادْ أَقْرَاخْ إِولِي أُورْ كَنِينْ مَدْنْ إِنُو سْ مَدْنْ إِنُو، أَرْ أَقْرَاخْ إِنْتِي لَيْ أُورْ إِعْزَانْ سْ تَادْ إِعْزَانْ. <sup>26</sup> إِنَاعْ أَسْنْ نَانْ: أُورْ تَكِيمْ مَدْنْ إِنُو، غِينْ أَغْ رَأِيسْ تَبِنْ تَرْوَانْ رَبِّي يِدْرَنْ». <sup>27</sup> إِشْعَيَا نَتَانْ إِكَا تَغُويِيتْ غْ لَجِهْتْ نْ أَيْتْ إِسْرَائِيلْ، أَرْ إِتِي: «مَقَارْ كَانْ أَيْتْ إِسْرَائِيلْ زُونْدَ أَمْلَالْ نْ لَبْحْرْ، إِدْرُوسْ مَارَا گِيسْنْ إِنْجَمْ. <sup>28</sup> أَشْكُو رَبِّي رَأِيْسْكَرْ أَيْلِي سْ كُلُو إِنَا، بُوتْ لَحُوكْمُ نْسْ فْ وَكَالْ سْ تَمْلَفَاتْ». <sup>29</sup> مَيَادْ أَفْ إِسَاوْلْ نَيِي إِشْعَيَا غَادْ إِزْرِينْ لَيْغْ إِنَا: «مَلَادْ إِسْ كَيْنِخْ أُورْ يُوجِي رَبِّي لَيْ يِزْضَارْنْ إِكْرِيْگَاتْ تَغُوسَا كَرَا نْ وَمُودْ، رَانْكْ زُونْدَ تَمَدِنْتْ نْ سَدُومْ نَرْوُوسْ تَمَدِنْتْ نْ عَمُورَا».

<sup>30</sup> مَرَازَا نِينِي؟ لِكْنُوسْ لَيْ أُورْ مَغْنِينْ فَاتَنْ إِقْبَلْ رَبِّي غْ دَارْسْ إِقْبَلْتْنْ غْ دَارْسْ سْ لِيمَانْ. وَلَائِيْنِي أَيْتْ إِسْرَائِيلْ لَيْ مَغْنِينْ فَاتَنْ إِقْبَلْ رَبِّي غْ دَارْسْ سْ شَرْعْ، أُورْ لَكْمَنْ مَيَانْ سْ شَرْعْ! <sup>32</sup> مَاخْ؟ أَشْكُو أُورْدَ لِيمَانْ أَسْ رَانْ أَتَنْ إِقْبَلْ رَبِّي غْ دَارْسْ، وَلَائِيْنِي أَفْ تَكْلَنْ دْ أَيْلِي سَكَارْنْ غْ شَرْعْ. إِزْلْ أَسْنْ أَزْرُو لَيْ يِنْتَرَلْ، <sup>33</sup> غِمْكَلِي يِنْتِيورَانْ: «هَيْ رَانْ سَرْسْخْ أَزْرُو لَيْ يِنْتَرَلْ غْ أَمَاسْ نْ صَهِيُونْ دْ ثَوْنَتْ لَيْ رَأِيسْنْ إِكْ لَعْطَرْتْ، يَانْ سَرْسْ يُومَنْ أُورَأَتَنْ تَكْرَازْ».

10

## إِفْرْ وِيسْ مَرَاوْ

<sup>1</sup> أَيْتِمَا، أَيْلِي تَرْجُوخْ غْ وُولْ إِنُو دْ أَيْلِي تَصَلَّابْ إِرْبِي غْ لَجِهْتْ نْ أَيْتْ إِسْرَائِيلْ إِكَاتْ أَدْ نَجْمَنْ. <sup>2</sup> أَشْكُو أَرْ فَلَاسْنْ أَكَّاخْ تُوكَأْ إِسْ كِيسْنْ إِلَا سِيْعَرْ نْ أَيْلِي يِكَانْ وِينْ رَبِّي، وَلَائِيْنِي أُورْ إِتِي فْ تُوسَنَا إِصْحَانْ. <sup>3</sup> أَشْكُو أُورْ سَنْ مَمْنَكْ أَسْ إِنْقَبَالْ رَبِّي مَدْنْ غْ دَارْسْ، مَاغْنْ أَدْ لَكْمَنْ غُونْشَكَانْ سْ تَغَرَاسْتْ نَسْنْ، أُورْ سُولْ قَبْلَنْ أَغَرَاسْ لَيْ سْ أَيْنَقَبَالْ رَبِّي مَدْنْ غْ دَارْسْ. <sup>4</sup> أَشْكُو أَيْلِي يِرَا شَرْعْ أَتْ إِلْكْمْ إِكَاتْ لَمَسِيحْ، فَادْ إِقْبَلْ رَبِّي غْ دَارْسْ كُولْ مَاسِرْسْ يُومَنْ.

<sup>5</sup> مُوسَى يُورَا فْ مَمْنَكْ أَسْ إِنْقَبَالْ رَبِّي مَدْنْ غْ دَارْسْ إِغْ أَسْكَارْنْ سْ شَرْعْ أَرْ إِتِي: «وَنَا إِسْكَارْنْ سْ لُوْصِيَّاتْ نْ شَرْعْ أَرْ سَرْسْنَتْ إِتَرْ». <sup>6</sup> وَلَائِيْنِي أَرَانْ رَبِّي إِسَاوْلْ فْ غِمْكَلِي سْ إِنْقَبَالْ رَبِّي مَدْنْ غْ دَارْسْ سْ لِيمَانْ نَسْنْ أَرْ إِتِي: «أَدْ أُورْ تَبِيتْ دْ إِخْفْ نَكْ: مَانُوا رَا يِغْلِي سْ إِكْنَوَانْ؟» زَعْمَا أَدْ إِزْوَكْزْ لَمَسِيحْ، <sup>7</sup> نَعْدَ: «مَانُوا رَايْكُوزْ سْ لَبْهُمُوتْ؟» زَعْمَا أَدْ يَالْ لَمَسِيحْ غْ كْرْ وَلِي مُوتِينْ. <sup>8</sup> وَلَائِيْنِي مَاسْ دَاخْ إِتِي؟ أَرْ إِتِي: «أَوَالْ أَنْ إِقْرَبْ سَرْكْ، إِلَا فْ إِمِي نَكْ يِلِي غْ أَوْلْ نَكْ» أَتْ إِكَانْ دْ وَوَالْ نْ تَبِراتْ نْ لِيمَانْ لَيْ سْ نَتَبِشَارْ: <sup>9</sup> أَشْكُو إِغْ تَقْرَاتْ سْ إِمِي نَكْ إِسْ إِكَا يِسْوُغْ سِيدِيَّتْخْ، تَامَنْتْ سْ أَوْلْ نَكْ إِسْتِيَّدْ إِسْتَكْرْ رَبِّي غْ كْرْ وَلِي مُوتِينْ، هَانْ رَا تَجْمَتْ. <sup>10</sup> أَشْكُو أَوْلْ أَسْ إِتَامْنْ يَانْ، إِقْبَلْتْ رَبِّي غْ دَارْسْ، إِمِي

أَسْ إِنْقُرَا يَانْ إِجْنِجْمَتْ رِبِّي. <sup>12</sup> أَشْكُو أَرَّا نْ رِبِّي أَرْ إِنْتِي: «كُولْ مَاسِرْسْ يُومَنْ أُورْ سَارْتِنْ تَكْرَازْ». أُورْ إِلِي نَحْيَا غْ كْرْ أُودَايْ أَلَا كُو لُيُونَانْ، أَشْكُو يَانْ رِبِّي أَدْ طَافْنْ مَدَنْ كُلُوتْنْ، نَتَنْ إِغْنَا أَرْ يِكَا لِبَرَكَا نَسْ إِولِيلْتْ نَضَلَابِينْ. <sup>13</sup> أَشْكُو: «كُولْ مَايِتَضَلَابِنْ سْ إِسْمْ نْ سِيدِيتَخْ رَائِنْجَمْ». <sup>14</sup> وَلَايِنِي مَمْنُكْ أَسْ رَادْ تَضَلَابِنْ يَانْ سْ أُورْ أُومَنْ؟ مَمْنُكْ أَسْ رَادْ أَمَنْ سْ يَانْ لِي فْ أَكَ أُورْ سَفَلَدْنْ يَاتْ؟ مَمْنُكْ أَسْ رَادْ سَقْلَدْنْ إِغْنَنْ أُورْ إِيشَرْ يَانْ؟ <sup>15</sup> مَمْنُكْ أَسْ رَادْ تَبَشَّارْنْ إِغْنَنْ أُورْ يُوزْنْ رِبِّي؟ غَمْكَلِي يِتَتِي وَرَّا نْ رِبِّي: «مَنْشَكْ أَسْ فُولَكِينْ لَقَدَامْ نْ وَلِي تَبَشَّرِينْ سْ لَهْنَا، وَلِي تَبَشَّرِينْ سْ لَاحْبَارْ نْ لَخِيرْ». <sup>16</sup> وَلَايِنِي أُورَا كُلُو سَكَارْنْ مَدَنْ سْ وَالْ نْ لَنْجِيلْ، أَشْكُو إِشَعِيَا أَرْ إِنْتِي: «سِيدِي رِبِّي مَانُوا يُومَنْ تَبَرَاتْ نَخْ؟» <sup>17</sup> هَيْ أَرْ إِتَامَنْ يَانْ إِغْ إِسْفَلْدْ، إِغْ إِسْفَلْدْ فْ وَالْ نْ لَمْسِيْخْ. <sup>18</sup> وَلَايِنِي أَرْ تَتِيْخْ: إِزْدْ أُورْ سَفَلَدْنْ؟ عَادْ! أَرَّا نْ رِبِّي أَرْ إِنْتِي: «لَبْرِيْحْ نَسْنْ إِفَاعْ لَكْمَنْ كُلُو دُونِيَتْ، إِولِيُونْ نَسْنْ فَاغْنْ لَكْمَنْ تَتِي نْ وَكَالْ». <sup>19</sup> وَلَايِنِي أَرْ تَتِيْخْ: إِزْدْ إِسْ أُورْ سَنْ إِيْتْ إِسْرَائِيلْ مِيَادْ؟ مُوسَى إِزْوَارْ يَادْ إِسَاسِنْ إِنَا: «رَا كِيُونْ كَحْ تَغَانَتْ نْ وَلِي أُورْ كِنِينْ تَمَتِي، إِدْ وَارْ لَعَقْلْ أَسْ رَايُونْ سَاعْ تَكُوْضِي». <sup>20</sup> إِشَعِيَا إِزْعَمْ إِنَا: «وَلِيُّ أُورْ سِكَلِينِينْ أَيْ يُوفَانْ، وَلِيْ كِيَكِيْ أُورْ سَقْسَنِينْ أَمْ بَايِنْخْ». <sup>21</sup> أَمَّا غْ لَجِهْتْ نْ إِيْتْ إِسْرَائِيلْ أَرْ إِنْتِي: «كَرَا يَلَا وَاسْ أَنْ مَدِيْخْ إِفَاسِنْ إِنُو إِمْدَنْ عَصَنِينْ إِقُورْ أَسْنْ إِخْفْ».

11

## إِفْرْ وِيسْ يَانْ دْ مَرَاوْ

<sup>1</sup> غِيدْ أَرْ تَتِيْخْ: إِزْدْ إِسْ يُوكِي رِبِّي مَدَنْ نَسْ؟ حَاشَا! أَشْكُو أَلَا نَكِيْ كِيْخْ غْ أَيْتْ إِسْرَائِيلْ، كَحْ أَمُودْ نْ إِبْرَاهِيمْ كَحْ غْ أَفُوسْ نْ بَنِيَامِينْ. <sup>2</sup> رِبِّي أُورْ يُوكِي مَدَنْ نَسْ لِي يِسْتِي غَادْ يَادْ إِزْرِينْ. نَغْدْ أُورْ تَسْنِمْ مَاسْ إِنْتِي وَرَّا نْ رِبِّي غْ نَبِيْ إِيلِيَا؟ لَيْغْ أَيْتَشَكَا سْ أَيْتْ إِسْرَائِيلْ غْ دَارْ رِبِّي إِنَّايسْ: <sup>3</sup> «وَاسِيدِي رِبِّي، هَتِي نَغَانْ لَانِبِيَا نَكْ، خَلُونْ إِمْغَرِيْصِنْ نَكْ، غَمَاخْدْ وَحَدُويْ، هَاتِتِي أَرْ سِكَلِينْ أَيْ نَغْنْ!» <sup>4</sup> وَلَايِنِي مَاسْ أَسْدْ إِوْاجِبْ رِبِّي؟ إِنَّايسْ: «هَتِي أَجِيْخْ سُولْ إِيْخْ إِنُو سَا وَلَفِيُونْ نْ أَرْكَازْ أُورْ جُونْ سَجْدَنْ إِصَنَمْ نْ بَعْلْ». <sup>5</sup> غَمْكَانْ دْ أَزْمَزْ أَدْ، هَتِي غَمَانْ سُولْ كَرَا نْ مَدَنْ لِي يِسْتِي رِبِّي سْ نَعْمَتْ نَسْ. <sup>6</sup> إِغْنَنْ إِسْتِي سْ نَعْمَتْ نَسْ هَيْ أُورْدْ أَفْتِنْ إِسْتِي دْ لَاقْعَالْ نَسْنْ، نَغْدْ نَعْمَتْ أُورْ سُولْ رَا تَكْ نَعْمَتْ. إِغْ تَلَا سْ لَاقْعَالْ أُورْ سُولْ تَكِيْ نَعْمَتْ، نَغْدْ تَوُورِي أُورْ سُولْ رَا تَكْ تَوُورِي. <sup>7</sup> مِيتْ زَا؟ أَيْلِي سِكَلِينْ أَيْتْ إِسْرَائِيلْ أُورْتْ لَكْمَنْ. لَكْمَنْ وَلِيْ كِيْسِنْ إِسْتِي رِبِّي. وَلِيْ غَمَنِينْ قُورْنْ أَلَا لَوْنْ نَسْنْ، <sup>8</sup> غَمْكَلِي يِتِيُورَانْ: «إِفْكَائِسْنْ رِبِّي رُوحْ نْ إِصْنَصْ إِرْضَائِينْ، أُورْ أَسْمُوقُولْنْ سْ وَالْنْ نَسْنْ أَلَا أَرْ سَفَلِيدِينْ سْ إِمْزَكَانْ نَسْنْ أَرْ غَسَادْ». <sup>9</sup> إِنَّايسْ دَاوْدْ: «أَدَاسْنْ كَنْتْ زَرَادِي نَسْنْ تَرْقُورْتْ تَرْوَضِي دْ أَزْرُو نْ لَعْطَرْتْ دْ لَعَقَابْ». <sup>10</sup> أَدَاسْنْ كَنْتْ وَالْنْ نَسْنْ تِلَاسْ أَسْوُلْ أُورْ إِسْقَلَوْنْ، أَوِينْ بَدَا تِكَنِي».

أَرْ سَقْسَاخُ: إِزْدَ أَفْ تُوتْ لَعْطَرْتُ أُودَيْنْ دَ أَبْدَا ضْرَنْ؟ حَاشَا! وَلَائِنِي تَضُورِي نُسْنْ أَدْ يُوبِينْ نَجَا<sup>11</sup>  
 إِلْكُنُوسْ أَكِيسْ نَلِي تَغْنَانْتْ نَ لَكْنُوسْ. <sup>12</sup> دَ إِغْ تَكَا لَمَعْصِيتْ نُسْنْ لَبَرْكَا إِكُوتْ إِيَّيْتْ دُونِيتْ، تَكْ طَرْزِي  
 نُسْنْ صَحَا إِلْكُنُوسْ، مَارَزَا نِينِي فْ تُوبَتْ نُسْنْ؟ <sup>13</sup> أَرْ سَرُونْ سَوَالْخُ إِلْكُنُوسْ: أَشْكُو گِيَخْ أَرْقَاصْ نَ  
 لَكْنُوسْ، أَرْ سَمْعُورْخْ تَوُورِي نُو، <sup>14</sup> إِغْ إِتِّيَافْ أَلِلِي تَغْنَانْتْ غْ أَيْدِري أَدْ إِنْجِمْ كَرَا گِيسْنْ. <sup>15</sup> لِيَعْنِنْ يُوكِي  
 رَبِّي إِتَّصَالْخْ دَ أَيْتْ دُونِيتْ، مَارَزَا يَجْرُو إِغْنِتْ إِقْلِي رَبِّي أَبْلَا تُودِرْتْ إِولِي مُوتِينْ؟ <sup>16</sup> إِغْ تَكَا لَغْلتْ  
 تَمْنُزُوِيتْ تِينْ رَبِّي هَانَ أَلَا لَعْجِينْ إِكَا وِينِسْ! إِغْ گَانَ إِزُورَانْ وِينْ رَبِّي هَانَ حَتَّا إِزْقَارْ گَانَ وِينِسْ! <sup>17</sup> إِغْ  
 تَيَوْبَائِينْ كَرَا نَ إِزْقَارْ، تَلَقْمَنْ كَيْ لِيدْ يُوشْكَانْ غْ تَرِيَيْتْ نَ تَكَانْتْ، تَكَنْتْ يَانْ دَ إِزُورَانْ نَ تَرِيَيْتْ أَنْ أَرْ  
 تَسُومُومْتْ أَيْلِي سُمُومْنْ، <sup>18</sup> أَدْ أُورْ تَكَابِرْتْ فْ إِزْقَارْ يَصْنِينْ. إِغْ تَكَابِرْتْ، هَانَ أُورْدْ كَيْبِينْ أَيُوسِينْ  
 إِزُورَانْ، وَلَائِنِي يَزُورَانْ أَكَ يُوسِينْ! <sup>19</sup> رَا تَنِيتْ: «أَفْ تَيَوْبَائِينْ إِزْقَارْ أَنْ دَ أَنْ لَقْمَخْ نَكِي!» <sup>20</sup> إِكَاتْ لَحَالْ!  
 وَلَائِنِي أَفْ تَيَوْبَائِينْ دَ لِيمَانْ لَيْ كِيسْنْ أُورْ إِلِينْ، كَيْ لِيمَانْ أَسْ تَغِيَتْ. هَيْ أَدْ أُورْ تَكَابِرْتْ وَلَائِنِي  
 يَكْصَاصْ! <sup>21</sup> أَشْكُو لَيْغْ أُورْ إِحْنِي رَبِّي غْ إِزْقَارْ لَيْ گَنِينْ لَاصْلَ هَانَ أَلَا كَيْ أُورَأَ گِيكْ إِحْنُو! <sup>22</sup> سَمُوقْلْ غْ  
 لَحْنَانْتْ نَ رَبِّي تَسْمُوقْلَتْ غْ لَعْقَابْ نُسْ: لَعْقَابْ إِلَا فْ وِلِي عَصَنِينْ، لَحْنَانْتْ تَلَلَ فَلَاكْ، إِغْ تَغْماتْ غْ  
 لَحْنَانْتْ، إِغْ گِيسْ أُورْ تَغْماتْ هَانَ رَادْ تَيَوْبَائِيتْ أَلَا كَيْ. <sup>23</sup> إِغْ دُورِينْ سَأَغْرَاسْ نَ لِيمَانْ هَانَ رَادْ  
 تَيَوْلَقَامْنْ. أَشْكُو رَبِّي يَزْضَارْ أَتِينْ دَاخْ إِلَقْمْ. <sup>24</sup> أَشْكُو إِغْدْ تَيَوْبَائِيتْ كَيْ غْ تَرِيَيْتْ نَ تَكَانْتْ لَيْ يَكَانْ لَاصْلَ  
 نَكْ، تَيَوْلَقَامْتْ إِتَّرِيَيْتْ إِفُولِكِينْ لَيْ يَاكَ أُورْ إِكِينْ لَاصْلَ نَكْ، مَمْنُكْ زَا أُورْ تَيَوْلَقَامْنْ غَوِيدْ غْ تَرِيَيْتْ نُسْنْ  
 لَيْ نِيتْ إِكَانْ لَاصْلَ نُسْنْ؟ <sup>25</sup>

أَشْكُو أَرِيَخْ أَيِّيَنْمَا أَدَأْوْنْ إِفَاتْ سَرْ أَدْ، أَدْ أُورْ تَغَالْمْ غْ دَارْ إِخْفَاؤْنْ نُونْ إِسْ تَكَامْ وِلِي فَهْمَنِينْ: هَانَ  
 كَرَا غْ أَيْتْ إِسْرَائِيلْ قُورْنْ سُولْ أُولَاؤْنْ نُسْنْ أَرْدْ كَمْلَنْ وِلِي رَادْ يَوْرِي سَأَغْرَاسْ غْ لَكْنُوسْ، <sup>26</sup> غَمْكَانْ  
 أَسْ رَادْ نَجْمَنْ أَيْتْ إِسْرَائِيلْ كَلُونْ. غَمْكَلي يَنِيُورَانْ: «أَمْجَحْمْ رَادْ يَاشْكَ غْ صَهْيُونْ إِسْتِي دَنُوبْ فْ  
 وَمُودْنْ يَعْقُوبْ. <sup>27</sup> لَعْهَدْ أَدْ أَرَادْ أَسْنْ فَكْخْ تِرِي نَا فَلَاسْنْ سِتِّيَخْ دَنُوبْ نُسْنْ». غْ لَجْهَتْ نَ لَنْجِيلْ أَدْ گَانْ  
 دَ لَعْدُونْ رَبِّي فْ لَفَايَتْ نُونْ، غْ لَجْهَتْ نَ أُسْتَايْ گَانْ وِلِي يَحُوبَا رَبِّي فْ سَبَّتْ نَ أَيْلِي سَإَقاُولْ إِلَاجِدُونْ  
 نُسْنْ، <sup>28</sup> أَشْكُو رَبِّي أُورَادْ إِتَّصَا غْ وَالْ نُسْ فْ لَبَرَاكَاتْ لَيْ يَكَا أَلَا فْ وِلِي يَسْتِي. <sup>29</sup> أَشْكُو غَمْكَلي  
 تَعْصَامْ رَبِّي غَادْ إِزْرِينْ، إِحْنُو گِيُونْ فْ سَبَّتْ نَ غَمْكَليَتْ عَصَانْ نَنِتِي، <sup>30</sup> غَمْكَانْ دَنَنِي غَلَادْ عَصَانْ فَادْ  
 فَلَاسْنْ تُكَزْ رَحْمَتْ غَمْكَليَدْ فَلَاسْنْ تَكُوزْ، <sup>31</sup> أَشْكُو رَبِّي يُوجَا كَلُو مَدَنْ غْ إِسْكَرَافْ نَ لَمَعْصِيتْ، فَادْ كَلُو  
 فَلَاسْنْ إِزُوكْزْ رَحْمَتْ نُسْ.

وَا هَلِي مَنْشِكْ أَسْ إِكُوتْ لَخِيرْ نَ رَبِّي، تَدْرُو لَحِكْمَا نُسْ دَ لَعْمْ نُسْ! مَنْشِكْ أَسْ إِكُوكْنْ لَارِيَا نُسْ <sup>33</sup>  
 إِوْفَرَانْ دَ إِغَرَاسْ نَسْ إِلْفَهْ نَخْ! <sup>34</sup> «أَشْكُو مَانُوا إِسْنْ إِسْوِنْكِيمْنْ نَ رَبِّي؟ دَ مَانُوا دَ إِتْمَشِوِيرْ؟ <sup>35</sup> نَغْدَ مَانُوا

يُزْوَارْنَ إِسَاسْ إِفْكَا كُرَا أَدَاسْتْ إِفْرُو؟» <sup>36</sup> أَشْكُو نَتَانْ دَارْدْ إِكَا كُرَا إِلَانْ، دُنَتَانْ أَسْ إِلَّا يِلِي يَاسْ كُولْ مَائِلَانْ. أَدَاسْ بَدَا يِلِي لَمَجْدُ. آمِينْ.

12

## إِفْرُ وِيسْ سِينْ دْ مَرَأْ

<sup>1</sup> أَرْكِيُونْ تَضَلَّبْ أَيْيِتْمَا فْ سِبَّتْ نْ رَحْمَتْ نْ رَبِّي أَدَاسْ تَقْكُمْ إِخْفَاؤْنْ نُونْ زُونْدْ تَغْرِصِي بِدَرْنْ إِغْوُسْنْ لِي فْ إِرْضَا، غَمْكَادْ أَيْلِيقَنْ أَسَرْسْ تَعْبَادْمْ. <sup>2</sup> أَدْ أُورْ تَكْمْ زُونْدْ أَيْتْ دُونِيتْ أَدْ، وَلَائِنِي گَاتْ وِيَاضْ تَسْبَادْمْ إِسْوَنْكِيمْ نُونْ، فْ أَتْسَانْمْ أَيْلِي يِرَا رَبِّي أَتْ إِكَانْ دْ أَيْلِي يُصْلَحْنْ إِرْضُو فَلَاسْ إِكْ وَادْ إِكْمَلْنْ. <sup>3</sup> فْ سِبَّتْ نْ نَعْمَتْ لِيَيْ يِفْكَا رَبِّي، أَرْ تُوصُّخْ كَرِيَكَاتْ يَانْ گَتُونْ: أَنْ أُورْ إِكْ إِخْفْ نَسْ غَلِي أُورْ إِلْكْمْ، وَلَائِنِي أَيْسَوْنْكِيمْ سْ لَعْقَلْ نَسْ، سْ أُونْشَكْلِي يَاسْ إِفْكَا رَبِّي نْ لِيمَانْ. <sup>4</sup> أَشْكُو غَمْكَلِي دَارْنَخْ لَانْ كِيَگَانْ دْ لَجْوَارْخْ غْ يَاتْ دَاتْ، وَلَائِنِي لَجْوَارْخْ أَدْ أُورْ كُلو طَافْنْ يَاتْ تُوُوري، <sup>5</sup> غَمْكَانْ دْ نَكْنِي مَقَارْ نَكُوتْ: يَاتْ دَاتْ أَنْكَانْ غْ لَمَسِيحْ، نَكْ لَجْوَارْخْ نْ إِنْكَرَاتْخْ، كَرِيَكَاتْ يَانْ إِلْكْمْ فْ وِيَاضْ. <sup>6</sup> وَلَائِنِي أُورْ كُلو نَكِي يَانْ غْ تِكِي لِي يَاخْ إِفْكَا رَبِّي سْ نَعْمَتْ نَسْ: يَانْ مِ يِفْكَا أَيْسَوَالْ سْ أَيْلِي يَاسْ إِسْعَلْمْ أَرْ سَرْسْ إِسْوَالْ سْ أَيْلِي دَارْسْ نْ لِيمَانْ، <sup>7</sup> يَانْ مِ يِفْكَا أَيْسَنْضِيفْ وِيَاضْ يَوِيتْ غْ لَحْدَمْتْ نَسْ، يَانْ مِ يِفْكَا أَيْسَلْمَادْ يَوِيتْ غْ الْمُودْ، <sup>8</sup> يَانْ مِ يِفْكَا أَيْزَعَامْ وِيَاضْ يَوِيتْ غْ أَنْ إِزْعَامْ، يَانْ مِ يِفْكَا أَيْسَكَارْ أَفُوكِي إِسْخُو إِغْتْ إِسْكَرْ، يَانْ مِ يِفْكَا أَيْكَ أَمْرَالْ إِكْنَ صَاحْتْ، يَانْ مِ يِفْكَا أَيْتَحْنُو غْ وِيَاضْ أَرْكِيُسْنْ إِتَحْنُو سْ لَفْرْخْ.

<sup>9</sup> تَايِري أَكِيسْ أُورْ يِلِي نَفَاقْ. حَشَائِتْ كَارْ، تَعِيمْ غْ مَائِعْدَلْنْ. <sup>10</sup> إِرِياتْ إِنْكَرْتُونْ تَايِري نْ تَكْمَاتْ، أَرْ تَزْكُورْمْ إِسْ تَكَامْ لُوقَرْ فْ إِنْكَرْتُونْ. <sup>11</sup> گَانْ صَاحْتْ سْ تُوُوري نُونْ أَكِيُونْ أُورْ إِلِينْتْ لَخُويَنَاتْ، تَعْمَرْمْ سْ رُوحْ أَرْ تَسْكَارْمْ تُوُوري نْ سِيدِيَتْخْ، <sup>12</sup> فَرْحَاتْ فْ رَجَا لِي دَرُونْ، تَصِيرْمْ غْ تَسَاسْتْ، أَرْ بَدَا طَرَلَامْ، <sup>13</sup> تَوْسَاتْ إِيَيِّتْمَاتُونْ إِمُونْ لِي فَلَوْنْ لَكْمَنِينْ، أَرْ تَسْمَرْحَبَامْ سْ إِمْرَانْ غْ تَكْمَا نُونْ. <sup>14</sup> تَدْعُو يَاتْ سْ لَبِرَكَا إِولِي كِنْ سَرْفُوفُونِينْ. تَدْعُو يَاتْ سْ لَبِرَكَا أُورْدْ سْ گَارْ. <sup>15</sup> فَرْحَاتْ دْ وَلِي فَرْحَنِينْ أَرْ تَلَامْ دْ وَلِي يَلَانِينْ. <sup>16</sup> گَاتْ يَانْ أَرْ تَالَوسْ إِنْكَرْتُونْ، أَدْ أُورْ تَسْكِيلْمْ تِمُوْغَرَا، تَمُونَاتْ دْ وَلِي تَيَوْحَكْرَنِينْ. أَدْ أُورْ تَكْمْ وِيدْ فَهْمَنِينْ دَارْ إِخْفَاؤْنْ نُونْ. <sup>17</sup> أَدْ أُورْ تَرَارَامْ لَعَارْ سْ وِيَاضْ. مَاغَاتْ فْ مَائِعْدَلْنْ غْ لَكْدَامْ نْ مَدَنْ كَلُوتْنْ. <sup>18</sup> سَكَراتْ أَيْنَا مِ تُوفَامْ أَتَلِيمْ غْ لَهْنَا دْ مَدَنْ كَلُوتْنْ. <sup>19</sup> أَدْ أُورْ تَامِرْمْ أَيَيْتِمَا لَحَقْ سْ أُفُوسْ نُونْ، وَلَائِنِي أَجَّاتْ مَيَانْ إِلْغَضَبْ نْ رَبِّي، أَشْكُو إِنْيُورَا إِسْ إِنَا رَبِّي: «نَكِينْ أَيَتَامَزْنْ لَحَقْ، نَكِينْ أَيْقَرُونْ». <sup>20</sup> إِغْ يَانْ لَاثْ لَعْدُو نَكْ تَفْكَتْ أَسْ أَيْشْ. إِغْتْ يَا غْ فَادْ تَفْكَتْ أَسْ أَيْسُو. أَشْكُو إِغْ تَسْكَرْتْ مَيَادْ زُونْدْ إِغْدْ تَسْمُونْتْ تَرْكِينْ رُغَنِينْ فْ إِكِي نْ إِخْفْ نَسْ». <sup>21</sup> أَفَلَاكْ أُورْ إِكْ گَارْ وَلَائِنِي لَكْ فْ گَارْ سْ وَفُوكِي.

## إِفْرُ وِيسَ كُرَاصْ دْ مِرَاوْ

<sup>١</sup> إِلَّا فْ كُرِيَّكَاتْ يَانْ أَيْسَقْلِيدْ سْ لَحْكَامْ نْ تَمَرْتْ، أَشْكُو أُورْ لِينْتْ تَنَبَّصِينْ لِيدْ أُورْ كِنْنِ دَارْ رَبِّي، تَلِي لَانِنْ غَلَادْ دَارْ رَبِّي أَدْ كَانْتْ. <sup>٢</sup> وَنَا يِمَاغْنْ دْ لَحْكَامْ هَانْ إِمَاغْ دْ أَيْلِي يِسَاسْتُوا رَبِّي، وَلِي دِيدْسْنْ تَمَعْنِينْ رَا فَلَاسْنْ إِتُوتْ لَحُوكْمْ. <sup>٣</sup> يَانْ إِسْكَارْنْ مَايْعَدْلِنْ أُورَا إِنْكَصَاصْ لَحْكَامْ، أَتَنْ إِنْكَصَاصْ دْ يَانْ إِسْكَارْنْ كَارْ. إِسْ تَرِيتْ أَدْ أُورْ تَكْصَاطْ لَحَاكْمْ؟ سَكَارْ مَايْعَدْلِنْ سْ فَلَاكْ إِرْضا، <sup>٤</sup> أَشْكُو أَيْكَأَ دْ أَخْدَامْ نْ رَبِّي لِي يِنْزَالْنْ فْ وَفُولَكِي نُونْ! وَلَائِنِي إِغْ تَسْكُرْتْ كَارْ غِيرْ إِكْصَاصْ نِيتْ، أَشْكُو أُورَا كَا إِتَسِي سِيفْ غُمْكَانْ، أَيْكَأَ دْ أَخْدَامْ نْ رَبِّي لِيدْ إِزْكُوكْزِنْ لَغَضَبْ نْ رَبِّي فْ وَلِي يِسْكَارْنْ كَارْ يَامَزْ كِيسْ لَحَقْ. <sup>٥</sup> غَانْ أَفْ إِخْصَا أَسَرْسْ نَسْقَلِيدْ، أُورْدْ فْ تَكْصَاصْ نْ لَعْقَابْ كَا، وَلَائِنِي أَلَا فْ سَبَّتْ نْ ضَمِيرْ. <sup>٦</sup> غَانْ أَفْ تَكَامْ ضَبِيطْ أَلَا نَتَّاتْ، أَشْكُو أَدْ كَانْ دْ إِخْدَامْ نْ رَبِّي لِيتْ إِونِينْ غْ تُوُرِي نُسْنْ. <sup>٧</sup> فَكَاتْ إِكْرِيَّكَاتْ يَانْ أَيْلِي يِكَانْ وِينِسْ: ضَبِيطْ إِيَابْ نْ ضَبِيطْ. دْ تَكَاسْتْ إِيَابْ نْ تَكَاسْتْ. لُوقْ دْ شَانْ إِيَابْ نُسْنْ.

<sup>٨</sup> أَفْلَاؤْنْ أُورْ تَلِي كَرَا نْ تَمْرَوَاسْتْ أَبْلَا تِينْ أَدْ تَرِيمْ إِنْكَرْتُونْ، أَشْكُو يَانْ إِتَرِينْ وِيَاضْ هَانْ إِكْمَلْ شَرْعْ. <sup>٩</sup> أَشْكُو لُوصِيَّاتْ: «أَدْ أُورْ تَرْنُوتْ، أَدْ أُورْ تَنَقَّاتْ، أَدْ أُورْ تَكْرُتْ، أَدْ أُورْ تَكَاتْ تُوَكَّا نْ تُورْ، أَدْ أُورْ تَشْهُوتْ أَيْلِي يِكَانْ وِينْ وِيَاضْ»، دْ لُوصِيَّاتْ يَاضِنْ مُونَدْ كُلو غْ وَالْ أَدْ لِي يِتَّينْ: « حُبُو أَدَجَارْ نُكْ زُونْدْ إِخْفْ نُكْ». <sup>١٠</sup> تَايِري أُورَا تَسْكَارْ كَارْ إِوَدَجَارْ، تَايِري أَغْدْ إِكْمَلْ شَرْعْ.

<sup>١١</sup> سَكَرَاتْ مِيَادْ أَشْكُو تَسْنِمْ مَانْ أَزْمَزْ غْ نَلَا، هَانْ تَلْكِمْ لُوقْتْ أَدْ تَدُويْمْ غْ إِصْصْ، أَشْكُو نَجَا نَخْ إِقْرَبْدْ بَهْرَا غَلَادْ أَكَارْ نْ تَرِي لَيْغْ بَحْرَا نُومِنْ. <sup>١٢</sup> هَانْ إِقْرَبْ أَيْكَمْ ضَبِيطْ يِكْمُورَدْ أَزَالْ، كَسْتَاخْ لَافَعَالْ نْ تِلَاسْ نَلَسْ سَلَاحْ نْ تَقاوْتْ. <sup>١٣</sup> إِلَا فَلَاخْ أَنْمُونْ دْ أَغْرَاسْ أَرْسْكَارْ أَيْلِي يِكَانْ وِينْ أَزَالْ: أَنِّيَّيْ غْ لَفْسَادْ دْ تِسِّي نْ شَرَابْ، نِيَّتِي غْ كَارْ لَمْسَايِلْ دْ زَنَا، نِتِي غْ طَرِيْتْ دْ لَحَسَدا. <sup>١٤</sup> وَلَائِنِي لَسَاتْ سِيدِيَّتْخْ يَسُوعْ لَمْسِيْخْ، أَدْ أُورْ تَسْكَارْمْ إِدَاتْ كَارْ شَهَوَاتْ لِي تُرَا.

## إِفْرُ وِيسَ كُوژْ دْ مِرَاوْ

<sup>١</sup> قَبْلَاتْ غْ كَرْتُونْ وَلِي شَحْنِينْ غْ لِيمَانْ، أَدِيدْسْنْ أُورْ تَمْجِيدِمْ فْ لَارِيَا نُسْنْ. <sup>٢</sup> يَانْ نُنَانْ يُومَنْ إِسْ إِرْضَارْ أَيْشْ كُرِيَّكَاتْ مَتَشَا، وَلِي يِشْحَانْ غْ لِيمَانْ نُنَانْ أَرْ إِشْتَانْ غِيرْ لَخْضَرْتْ. <sup>٣</sup> وَلِي يِشْتَانْ كُرِيَّكَاتْ إِلَا فَلَاسْ أَدْ أُورْ إِحْكَرْ وَلِيتْ أُورْ إِشْتَانْ، غُمْكَانْ دْ وَلِي أُورْ إِشْتَانْ أَدْ أُورْ يُوتْ لَحُوكْمْ فْ وَلِي يِشْتَانْ كُرِيَّكَاتْ، أَشْكُو إِقْلَاتْ رَبِّي. <sup>٤</sup> مَاتَكِيَّتْ كِيْ أَيْلِيْغْ أَنْكِيَّتْ لَحُوكْمْ فْ إِسْمَكْ نْ كُرَا نْ يَانْ؟ وِينْ بَابْ نُسْ

أيگا إيديت نع إضر. ولائني راد إيد، أشكو ربى يزضار أت إسبيدي. <sup>5</sup> يان إمفور دارس يان واس ف وياض، وياض كان كلو دارس اسان يان، إلا ف كريگات يان أيحقاق إس إصحا ايلى ينغا غ لعقل نس. <sup>6</sup> ولئي يسمغورن كرآن واس، أفت إسمغور دربي. وليت اور إسمغورن، أفت اور إسمغور دربي. ولئي يشتان كريگات، ربى اف إسكار غمکان اشكو ارت إشكار. ولئي اور إشتان كريگات، ربى اف إسكار غمکان ارت إشكار. <sup>7</sup> أشكو اور گينخ إلي يان إدرن ايحف نس، لا يان إمتايان ايحف نس. <sup>8</sup> اغ ندر ندر إسبيتيتخ، اغ نموت سيديتخ اف نموت. اغ ندر نع نموت وين ربى انگا. <sup>9</sup> أشكو مياد اف إموت لمسيح إنكرد إدر، أيگ سيديس ن ولئي درنин لا ولئي موتين. <sup>10</sup> إما كي ماخ انكات لحوكم ف كمام؟ لا كي ماخ اتحكرت كمام؟ هان را كولو نبد غ لگدام ن لاحكام ن لمسيح، <sup>11</sup> أشكو إنبورا إس إنا ربى: «نكي درخ، نكي أم راد إسجد كريگات أفاد، كريگات إلس را يتهماد ربى». <sup>12</sup> هي كريگات يان گيتخ را يفك لحساب ف ايحف نس إربى. <sup>13</sup>

أوا اد اور نكأت لحوكم ف إنغراتتخ ولائني حكمات س مياد: اد اور إزل يان إكماس لا إكاييس لعطرت. <sup>14</sup> نكي لي يومن س سيديتخ يسوع، حقائق إس اور إلي كرا إلسن س ايحف نس، أبلاء اغت إكا كرآن يان د واد إلسن، ننان إلس دارس. <sup>15</sup> اغ رايحرن كمام ف سبت ن ايلى تشتات، هان اورا سول تسكارات س تايرى. هان اد اور إگ ايلى تشتات سبا أولئي ف إموت لمسيح أركيغ إجلاء. <sup>16</sup> ايلى دارك إصلحن ات اور تاجت ات رگمن وياض، <sup>17</sup> أشكو تگليت ن ربى اور تكى متشا لا ايلى نسا، ولائني اتگا د مایصلحن د لها د لفرح لي يكأ روح لقدس. <sup>18</sup> يان إخدمن المسيح غ مياد، را فلاس إرضو ربى، ارت تالغن مدن. <sup>19</sup> هي مغناخ ف ايلى يكأن وين لها، د ايلى س را نبنا إنغراتتخ. <sup>20</sup> أداك اور إسغوي متشا اتخلوت ايلى يسكر ربى. إصحا إس كلو غسنت تغوسين، ولائني گار ايگا اغ ايستا افگان ايلى رايگ لعطرت إوياض. <sup>21</sup> يوف أداك اور تشت تقىيا لا تسويت شراب لا كرآن تغوسا لي رايزل إكماك نع اس تكأ لعطرت نغت تضعاف. <sup>22</sup> إس تومنت إس كلو غسنت تغوسين؟ أچ ميان گراك د ربى! أسعدي ايگا ولئي اور إكتن لحوكم ف ايحف نس غ ايلى دارس إفولكين. <sup>23</sup> ولائني ولئي يشكان غ كرآن تغوسا اغت إشا را فلاس إتوت لحوكم، أشكو ميان اور إتبني ف ليمان، كول ما اور إتبني ف ليمان هان لمعصيت ايگا.

15

## إفر ويس سموس د مراو

<sup>1</sup> إلا فلاح نكى لي دوسين غ مياد آنلى لخاطر إولي گيس ضعفين، أكأ اور نسگيل انسكر س لخاطر ن ايحف نخ. <sup>2</sup> كريگات يان إلا فلاس ايسكر س لخاطر ن وجار نس غ مایعدلن، فات اپنو. <sup>3</sup> أشكو

لَمْسِيْحُ الَا نَنْتَانُ اُورِ إِسْكُرْ سْ لَخَاطِرْ نِ إِخْفُ نْسُ، وَلَائِنِي غِمْكَلِي يِتِّيُورَانِ: «تِرْكَامْ نِ وِلِيكْ رِكْمِنِينْ أَضَانَدْ فِلِي». <sup>4</sup> أَشْكُو أَيلِي يِتِّيُورَانِ غَادِ إِزْرِينِ إِتِّيُورَا فَاكِيِسِ نَنْلَمَادِ، أَدَارْتْخِ بِلِي رِجَا سِ صِبَرْ دِ زَعْمَتْ لِي يَاخِ أَكَانِ وَرَاتِنِ نِ رِنِي. <sup>5</sup> أَدَأْوَنِ إِفَكِ بَابِ نِ صِبَرْ دِ زَعْمَتْ أَتَكْمِ يَانِ غِ كَرْتُونِ غِمْكَلِي يِرَا لَمْسِيْحِ يِسُوعِ. <sup>6</sup> فَادِ تَمْجَادِمِ رِبِّي لِي يِكَانِ بِيَاسِ نِ سِيدِيَتْخِ يِسُوعِ لَمْسِيْحِ، سِ يَانِ أُولِ دِ يَانِ وَوَالِ. <sup>7</sup> هِيَ سِمْرِحِبِايتِ سِ إِنْكَرْتُونِ غِمْكَلِي سِرْنِخِ إِسْمَرْحَبَا لَمْسِيْحِ الَا نَنْتَانِ، فِ لَمْجَدِ نِ رِبِّي. <sup>8</sup> أَرَأْوَنِ تَتِّيَخِ: هَانِ يِسُوعِ لَمْسِيْحِ إِكَا أَخْدَامِ نِ إِيْتِ لَخَاتَنِ، أَدِ إِسْبَايِنِ إِسِ إِغَما رِبِّي غِ وَالِ نْسِ، إِكْمَلَدِ أَيلِي سِ إِقاوَلِ إِلَاجْدُودِ نَخِ. <sup>9</sup> لَكْنُوسِ نَنْتِي أَرِ تَمْجَادِنِ رِبِّي فِ رَحْمَتِ نْسِ، غِمْكَلِي يِتِّيُورَانِ: «مَيَانِ أَفِ رَاكِ تَحْمَادِخِ غِ كَرِ لَكْنُوسِ أَرِ تَهَلِيلِخِ إِيسِمِ نَكِ». <sup>10</sup> أَرِ دَاخِ إِنْتِي: «فَرْحَاتِ الْكَنُوسِ دِ إِيْتِ رِبِّي». <sup>11</sup> الَا: «تَسْبَحَامَتْ كَلُو أَتَمْتُوينِ إِرِبِّي، أَرْتِ كَلُو تَالَغُمِ الْكَنُوسِ». <sup>12</sup> أَرِ دَاخِ إِنْتِي نَبِي إِشَعِيَا: «رَادِ يَاشِكِ يَانِ غِ أُثُورِ نِ يِسَا، إِنْكَرْدِ أَيْحَكِمِ فِ لَكْنُوسِ، كَنِينِ كَلُو كِيسِ رِجَا نَسِنِ». <sup>13</sup> أَكَنِ إِعْمَرِ بَابِ نِ رِجَا سِ كَرِيَكَاتِ لَفْرَخِ دِ لَهَنَا غِ لِيَمانِ، أَدِ تَرِيَادِمِ غِ رِجَا سِ لَجَهْدِنِ رُوحِ لَقْدُسِ.

<sup>14</sup> نَكِي سِ إِخْفِ إِنُو، هَانِ حَقَاقَخِ أَيْيِنِما إِسِ تَعْمَرْمِ سِ مَائِعَدْلَنِ، تَعْمَرْمِ سِ كَرِيَكَاتِ تُوسَنَا، تَنْضَارَمِ أَدِ تَتَصَاحِمِ إِنْكَرْتُونِ. <sup>15</sup> وَلَائِنِي أَرِيَخِ أَوْنِينِ أَيْيِنِما فِ كَرَا نِ تَعْوَسِوِينِ سِ زَعْمَتْ إِكُوتِنِ، أَدِ أَوْنَتِنَدِ سَكَنَيَخِ سِ نَعْمَتْ لِيَيِ يِفَكَا رِبِّي، <sup>16</sup> فَادِ كَخِ أَخْدَامِ نِ يِسُوعِ لَمْسِيْحِ إِلَكْنُوسِ، أَرِ تَبْشَارَخِ سِ لَنْجِيلِنِ رِبِّي زُونَدِ أَنْبَدَادِ، أَدِ كَنِ لَكْنُوسِ زُونَدِ أَسْكُمُورِ لِي يِقَبِلِ رِبِّي إِكْتِ دِ وِبِنْسِ سِ رُوحِ لَقْدُسِ. <sup>17</sup> نَكِي زَعْمَخِ سِ إِسِمِ نِ يِسُوعِ لَمْسِيْحِ غِ لَجَهْتِ نِ تَوُورِي نِ رِبِّي. <sup>18</sup> أَشْكُو أُورِ رِضَارَخِ أَدِ سَوَالَخِ فِ أَيلِي سِرِي أُورِ إِسْكُرِ لَمْسِيْحِ فَادِ رَارَخِ لَكْنُوسِ أَدِ ضَعُونِ إِرِبِّي، سِ أَيلِي تَتِّيَخِ دِ أَيلِي سَكَارَخِ، <sup>19</sup> سِ لَجَهْدِنِ تَمْتَارِ دِ لَعَجَابِ، دِ لَجَهْدِنِ رُوحِ لَقْدُسِ. أَرِ تَبْشَارَخِ سِ لَنْجِيلِنِ لَمْسِيْحِ غِ كَرِيَكَاتِ مَنِي، غَمْنِ أُورُشَلَيمِ تَسْكِيَوِنِ سِ أَرِ لَيِريِكُونِ. <sup>20</sup> يِلِينِ بَدَا لَعَقَلِ غِ أَدِ تَبْشَارَخِ غِلِيجِ أُورِ إِتِّيُوسَانِ إِسِمِ نِ لَمْسِيْحِ، أَدِ أُورِ بَنَاخِ فِ لَسَاسِنِ كَرَا نِ يَانِ يَاضِنِ. <sup>21</sup> وَلَائِنِي غِمْكَلِي يِتِّيُورَانِ: «وَلِي أُورِ لَكْمِنِ لَأَخْبَارِ نِسِ رَاتِ ثِرْنِ، وَلِي فَلَاسِنِ أُورِ سَعْلَدِنِيِنِ رَادِ فَهْمِنِ». <sup>22</sup> غَانِ أَيِّ يِكْسِنِ مَنَلَوْتِ تَوَالِ أَنِ دَرُونِ أَشْكَخِ.

<sup>23</sup> أَمَا غِلَادِ غِ كَمْلَخِ تَوُورِي نُو غِ تَمِيزَارِ أَدِ، إِلَيِّينِ لَعَقَلِ غَانِ دَرُونِ أَشْكَخِ مَنْشَكِ دِ أَسْكَاسِ أَيَادِ، <sup>24</sup> إِغِ دِيَخِ سِ سَبَانِيَا هَتِي رَانِ دَرُونِ أَشْكَخِ، أَشْكُو أَرِ تَرْجُوخِ أَكَنِ زِرْخِ إِغْكَنِينِ سَلِيخِ زِرِيخِ دِيدُونِ كَرَا نِ لُوقَتِ، تَوْسُمِيِي إِلَمَا أَدِ كَمْلَخِ أَمُودُو نُو. <sup>25</sup> وَلَائِنِي غِلَادِ هِيَ دِيَخِ سِ أُورُشَلَيمِ أَوِيخِ كَرَا نِ لَمْعاوِنَتِ إِيَيِتِ رِبِّي، <sup>26</sup> أَشْكُو أَيَتِ مَكْدُونِيَا دِ أَخَائِيَا إِسْقَرْحَنِنِ أَدِ سَمُونِ كَرَا نِ لَمْعاوِنَتِ إِدِرَاؤِشِ غِ أَيَتِ رِبِّي لِي لَانِينِ غِ أُورُشَلَيمِ. <sup>27</sup> إِسْقَرْحَنِنِ غُونْشَكَانِ، إِكِ فَلَاسِنِ دِيَنِ! أَشْكُو لِيَغِ بِضَانِ دِ لَكْنُوسِ لِبِرَكَاتِ نِ رُوحِ، إِلَا فَلَاسِنِ الَا نَتِي أَدَاسِنِ أَوْسِنِ غِ أَيلِي فِ لَكْمِنِ غِ دَاتِ. <sup>28</sup> إِغِ كَمْلَخِ مَيَانِ، سَلَكْمُخِ أَسِنِ لَغَلتِ أَدِ، هَتِي رَاكِنِينِ سَلِيخِ

زِرِّيْخْ سِنْ سِبَانِيَا. <sup>29</sup> إِسَانْخْ إِغْنَ دَرُونْ أَشْكِيْخْ إِسْ رَانْ أَوِيْخْ تُوكْتَ نْ لِبِرْكَا نْ لِنْجِيلْ نْ لِمَسِيْحْ. <sup>30</sup> أَرْكِيُونْ تَضَلَّبْخْ أَيْيِتْمَا فْ أُودْمْ نْ يَسُوعْ لِمَسِيْحْ، دْ تَايِرِي نْ رُوحْ لِقُدُسْ، أَدِيدِي تُجَاهِدْ سْ طَرْيِلاً نُونْ أَرْ تَضَلَّبْ إِرْبِي، <sup>31</sup> أَيْ يَقُوكُ غْ وِلِي أُورْ أَمْنِينْ غْ لِيُهُودِيَا، قَبْلَنْ أَيْتْ رَبِّي غْ أُورْشَلِيمْ لِمَعَاوِنْتْ أَذْ لِي يَاسْنْ إِويْخْ. <sup>32</sup> فَانْ دَرُونْ أَشْكْخْ سْ لَفْرْخْ إِغْ إِرَا رَبِّي، أَدَرُونْ سُونْفُوخْ. <sup>33</sup> أَكْلُو دِيدُونْ يِلِي بَابْ لَهْنَا. آمِينْ.

16

## إِفْرْ وِيسْ سُضِيْصْ دْ مَرَاوْ

<sup>1</sup> أَرْكِنْ تُوصُوخْ فْ الْتَّمَاتِخْ فِيْيِي لِي يِكَانْ تَخْدَامْتْ نْ لِكْنِيْسَا لِي يِلَانْ غْ كَنْخَرِيَا، <sup>2</sup> سِمْرْ حَبَابِيْتْ سِرْسْ فْ أُودْمْ نْ سِيدِيْتَخْ غَمْكِلِي سِمْرْ حَبَابْ أَيْتْ رَبِّي سْ وِيَاضْ. تَبِيْمْ دِيدْسْ غْ أَيْلِي دَرُونْ تَحْتَجَا، أَشْكُو گُوتْنْ وِلِي مِ توْسْ، تَوْسِيْيِي أَلَا نَكِيْ.

<sup>3</sup> سَلَمَاتْ فْ بُرِيسْكَلَادْ أَكِيلَا لِي يِتَّاوسْنْ غْ تُوُوري نْ لِمَسِيْحْ يَسُوعْ، <sup>4</sup> خَاطِرْنْ سْ إِخْفَاؤْنْ نَسْنْ فَادِيْ فُوكُونْ، أُورْدْ سَلَاغْ نَكِيْ كَاتِنْ إِنْشَكَارْنْ، وَلَائِنِي أَرْتَنْ كُلُو تَشَكَّارْنْتْ لِكَنِيْسْ نْ لِكْنُوسْ، <sup>5</sup> سَلَمَاتْ فْ لِكْنِيْسَا لِي يِلَانْ غْ تَكْمِي نَسْنْ. سَلَمَاتْ فْ أَحْبِيبْ إِنُو أَيْيِنْتُوسْ لِي يِكَانْ أَمْزُورُو إِسْ يُومَنْ سْ لِمَسِيْحْ غَيْنِيْ. <sup>6</sup> سَلَمَاتْ فْ مَرِيمْ لِي فَلَاخْ يُوتْنْ تَمَرَا إِكْوْتْنْ. <sup>7</sup> سَلَمَاتْ فْ أَنْدَرُونِكُوسْ دْ يُونِيَاسْ لِي گِنِينْ أَيْدَرِي، كَنْتِيْنْ دِيدِي غْ لَحْبِسْ، نَتِيْيِي تَيْوِسَانْ غْ كَرْ إِرْقَاصْ، زَوَارِتِيْيِي إِسْ أُومَنْ سْ لِمَسِيْحْ. <sup>8</sup> سَلَمَاتْ فْ أَمْبِيلِيَاسْ، أَحْبِيبْ إِنُو غْ سِيدِيْتَخْ. <sup>9</sup> سَلَمَاتْ فْ أُورْبَانُوسْ لِي دِيدِنْخْ إِسَلَانْ تُوُوري نْ لِمَسِيْحْ، تَسْلَمْ فْ أَحْبِيبْ إِنُو إِسْتَاخِيْسْ. <sup>10</sup> سَلَمَاتْ فْ أَبِلَسْ لِي يُومَزْنْ غْ لِمَسِيْحْ غْ أَسَانْ نْ تَسَاسْتْ. سَلَمَاتْ فْ وِلِي گِنِينْ أَيْتْ تَكْمِي نْ أَرْسِتُوبُولُوسْ. <sup>11</sup> سَلَمَاتْ فْ هِيرُودِيُونْ لِي يِكَانْ غْ أَيْدَرِي. سَلَمَاتْ فْ أَيْتْ تَكْمِي نْ نَرْكِيْسُوسْ لِي أَمْنِينْ سِيدِيْتَخْ. <sup>12</sup> سَلَمَاتْ فْ تَرِيفَيْنَا دْ تَرِيفُوسَا لِي أُوتِتِيْنِ تَمَرَا غْ لَخْدَمْتْ نْ سِيدِيْتَخْ. سَلَمَاتْ فْ بَرْسِيسْ لِي دَارِنْخْ إِعْرَانْ تُوتْ تَمَرَا إِكْوْتْنْ غْ تُوُوري نْ سِيدِيْتَخْ. <sup>13</sup> سَلَمَاتْ فْ رُوفْسْ لِي يِسْتِيْ رَبِّي، تَسْلَمْ فْ مَاسْ لِي دَرِيْ يِكَانْ زُونْدْ إِمِيْ. <sup>14</sup> سَلَمَاتْ فْ أَسِينْكِرِيْتِسْ، فَلِيغُونْ، هَرْمَاسْ، بَتْرُوبَاسْ، دْ هَرْمِيسْ، دْ أَيْنِمَاتْنْ لِي دِيدِسْنْ لَانِينْ. <sup>15</sup> سَلَمَاتْ فْ فِيلُولُوغُسْ، دْ جُولِيَا، دْ نِيرِيُوسْ دْ التَّمَاسْ، دْ أُولْمَبَاسْ، دْ أَيْتْ رَبِّي لِي كُلُو دِيدِسْنْ لَانِينْ. <sup>16</sup> سَلَمَاتْ فْ إِنْكِرِتُونْ سَلَامْ إِكَانْ وِينْ رَبِّي. أَرْ فَلَاؤْنْ تَسْلَامَتْ لِكَنِيْسْ نْ لِمَسِيْحْ. <sup>17</sup> أَرْكِيُونْ تَضَلَّبْخْ أَيْيِتْمَا أَتْرَارْمْ لَعَقْلْ سْ وِلِي أَطَنِينْ أَيْتِمَاتْنْ أَرَاسْنْ تَزْلَنْ، گَنْ ضِيْصْ نْ الْمُودْ لِي تَلْمِذْمْ، غَوِيدْ أَنْفَاتْ أَسْنْ. <sup>18</sup> أَشْكُو زُونْدْ غَوِيدْ إِطْلَكَانْ نَسْنْ أَتَنْ إِسِيْخْلَنْ أُورْدْ لَخْدَمْتْ نْ سِيدِيْتَخْ يَسُوعْ لِمَسِيْحْ. أَوَالْ إِمِيْنْ تَجْمَاعْتْ إِفُوكِينْ أَسْ كَنْدَنْ أُوا لَوْنْ نْ وِلِي گِنِينْ يَاتْ نَيْتْ. <sup>19</sup> أَشْكُو طَاعَتْ نُونْ إِوينْ أَسْدْ كُلُو مَدَنْ لَأَخْبَارْ، نَكِيْ فَرْخْ سَرْوُنْ، إِريْخْ گِيُونْ أَثَلِيمْ لَعَقْلْ أَرْ تَسْكَارْمْ لَخِيرْ تَغْسِمْ تِتِيمْ غْ گَارْ. <sup>20</sup> بَابْ نْ لَهْنَا رَأِيمْزِي شِيْطَانْ غْ دُو إِضَارَنْ نُونْ سْ تَمْلِفَاتْ. أَدِيدُونْ تِلِي نَعْمَتْ نْ سِيدِيْتَخْ يَسُوعْ لِمَسِيْحْ. آمِينْ.

أَرْنَ فَلَاؤْنِ إِسْلَامْ تِيمُوْنَاؤْسِ لِي دِيدِي يُخْدِمْنِ، دُوكِيُوسِ دِياسُونِ دُسوسياتِرسِ لِي گَنِينِ آيَدِري.<sup>21</sup>  
 أَرْ فَلَاؤْنِ تِسْلَامْخِ فِ رَبِّي، نِكِينِ تِرْتِيُوسِ لِي يُورَانِ تِبَرَاتِ آذِ. <sup>23</sup> أَرْ فَلَاؤْنِ إِسْلَامْ غَايِسِ لِي دَارِ كِيَخِ  
 إِنْكِبِي أَرْ تِمُونِ لِكِنِيسَا غِ ثَكْمِي نِسِ. أَرْ فَلَاؤْنِ إِسْلَامْ أَرَاسِتُسِ لِي يِلَانِ فِ صِنْدُوقِ نِتمِنْتِ، دِ كِمَاتِنْخِ  
 كُوَارِتُسِ. <sup>24</sup> أَكُلو دِيدُونِ تِلي نِعْمَتِ نِ سِيدِيَتْخِ يِسُوعِ لِمَسِيحِ. آمِينِ.

إِلَّا فَلَاخِ اَنْتَحَمَادِ رَبِّي لِي يِرْضَارُنِ أَكَنِ إِرْكَأَ غِ لِيمَانِ سِ تِبَرَاتِ نِ لِنجِيلِ لِي سِ نِتْبِشَارِ، تِبَرَاتِ لِي  
 يِسُوعِ الْنِ فِ يِسُوعِ لِمَسِيحِ. فَادِ أَوْنِدِ إِسْبَائِينِ سَرِ آذِ لِي يِحْضَانِ تِسُوتِينِ آذِ كُلو زِرِينِينِ. <sup>26</sup> وَلَائِنِي غِلَادِ إِيَائِندِ  
 سِ لَامِرِ نِ رَبِّي لِي يِداوِمِنِ غِ وَرَاتِنِ نِ لَانِيَيَا فَاتِ كُلو ضِعُونِ لِكُنُوسِ أَمِنِ سَرْسِ، <sup>27</sup> أَيْلِي لِمَجْدِ إِداوِمِنِ  
 إِرْبِي سِ يِسُوعِ لِمَسِيحِ، نِتَانِ لِي يِكَانِ يَانِ تِلي دَارِسِ لِحَكْمَا.